

稱摧朽殆將壓焉淳熙七年蒲陽林侯柎  
來蒞於郡旣載歲矣侯之政一以儒雅緣  
不煩士民安之歲適屢登因以餘力大治  
其四達之門猶於牙門壘敵未之議也民



吾侯宜爲此矣然距其捨我之日不數月則奈何侯  
聞之嘆曰古之君子所寓之舍猶必葺於一日也况  
公宇乎吾雖不敏尙能爲爾成之好事者則又曰州  
遠於山而附於水乏土之可墾也前人未能爲之觀  
臺者不以是耶並庾有堆阜侯呼庾吏問曰平之無  
傷乎曰庸何傷侯嘆曰土於是焉取之衆權然大服  
乃以七月壬子遂興其役增卑以爲高撤故以爲新  
凡畚鍤斤斧之工悉厚其植蓋無一斂於民者踰兩  
月而告成臺成十有六尺樓其上又二十尺左右爲  
兩夾樓而閣道翼焉不侈不陋適其地形之宜士民  
德侯之深偉侯之績而惜其將解印綬也願有以識  
之夫本朝著令開厦藻拱之施莫不有制惟郡之正  
牙門得用重屋立屋而設鴟覆甍其制特異蓋揭鎮  
名建旌牙其上鳴笳伐鼓令昏旦者視門以爲表非

建置 城池

七堯系七

卷三

二

其他舍宅比也信之爲州四百二十有三年矣其山川秀發人物繁夥異時多士之雋冠天下而蜚聲名興起固未艾也今林侯舉久墜之典克合於古斧藻面勢有光耀焉非若樓觀登臨之美以爲執事者遊覽之資而已雖然侯之車旣攻而馬旣駕矣不懈以怠不惑以移斷然圖之而不日成之以徇其民之願欲則其中所存與其所操執者天下之事何往而不可爲哉元吉方卜居郡郊見其民之喜而嘉其事之能立也因爲書之

淳祐十二年復罹泲水城壞甚於皇祐寶祐三年州守陳

### 世昌脩郡文學王雷記

記云 信之爲郡江以東望鎮也其地上於鶴其俗美 廣牙閩控粵襟淮而浙隱然爲衝要之會而四遠之遠客多深山大谷人有巢穴其間者類皆輕生如 思倫哉不無腥醜嘯竹之警然府治維 市

井蕃虜闖闔填隘民之店聚族處者無慮數萬家所恃以帖然者以有城也城周於外延袤幾里雉高廣如古侯之封制障堞環繞闔堵峙立得設險守國之義前賢謂宣和清溪之盜建炎寇數雲擾皆莫能犯其城郡治巋然如故可以占城之有功於郡矣攷諸圖志皇祐二年夏六月郡有泲水破城沒官舍湮民居城嘗壞矣時晉陵張公寔守信亟命脩補自七月九日役工至九月七日城之舊觀粗復乃淳祐壬子距皇祐庚寅二百有三年郡再有水高於城懷襄之禍尤烈故前城復壞水平城如鋸斯嚙東北隅以南一帶彌望幾無甃非復疇曩之城矣寶祐乙卯之三月知郡澹軒陳公以外府丞出守憑軾入境首歷壞城而觀曰嗟乎城所以設險也一日無城土不可守墮而不葺可乎蒞事之始問之倉庾則垂罄也問之府庫則赤立也公蹙額久之曰城不可以緩修又未可以遽修緩必病民盍以經之營之爲定規經始勿亟爲良規若夫費之不給非所憂也當自吾身始於是節泛費屏宴遊薄奉養正賦之外秋毫不以入儲

銖積累以爲版築計龜吉鳩工作息有程丈尺有度  
夫匠供億有數陶塹新礮礮堊之備皆有成畫始事  
於乙卯之九月訖事於丙辰之十月田里寂無騷騷  
之患縣邑了無取益之文昔之偃者俄而起凹者俄  
而平斷者俄而聯映帶玉溪長蛟之伏也環抱靈山  
蟄龍之蟠也一望煥如新創信之精神百倍於昔矣  
吁傲而補廢而與固不易然至於工舉而役不疲村  
集而賦不侵業就而民不知其爲勞工亦晏然若無  
所事事此則人之所難能也回視皇祐之爲役計  
日纔五十六今踰年而後畢其遲速較然矣蓋害有  
淺深功有倍半事力有豐嗇寶祐二年之信非皇祐  
二年之信也夫人久病之餘元氣萎薈若投之以迅  
厲之劑鮮有不生他症者與其躁切驅迫而或無成  
孰若舒徐經理而迄有成善治水者行其所無事此  
豈淺淺者所  
可蠡測哉

初置四門南曰廣信北曰靈山西曰闔閩東曰玉溪大觀

三年關八門曰望雲

以朝京

曰信溪

以廣信

曰葛溪

葛溪曰玉溪

以玉山

曰香濠

以靈山

曰淶津

以上饒

曰春浦

以上郭

曰三港

以下郭

元因宋舊明洪武初修築羅城圍

九里二十步高二丈二尺廣一丈五尺仍爲四門如舊制

門覆以樓樓外爲月城城上列睥睨敵樓警舍塞望雲等

門去舊號惟春浦門獨存正德六年南門樓燬知府陸徵

朱嘉會相繼修葺萬歷七年南門樓復燬知府錢拱辰重

建十年以遵旨整飭城垣委千戶張忠加高三尺

國朝順治初城南隅屢圯五年叅將康時昇

舊志知府張鳳儀

大

加修葺睥睨加厚半寸十六年守道胡昇猷知府樂斯美  
相繼葺之惟北城樓久廢康熙十一年知府高慶說重建  
扁曰萬笏自爲記

記云 春秋於城築之役苟非其時必書以示譏其  
譏也非其時也時則君子無譏焉惟信寔轄七邑東  
走玉山西達興安弋貴南通承豐錦山惟北則僅由  
以詣靈巖爾東西南三門皆有樓櫓以嚴保障而北  
獨無有郡人曰是燬於兵然迄今亦幾三十年矣顧  
何以一廢而不復也噫以其僻歟狂於晏安而忘備  
歟惜民力歟圖其重且急者而不暇及此歟予不敏  
濫領此州學宮之圯者既葺之橋梁之壞者亦新之  
矣則是役也其又烏能緩爰相材爰陶土慮其費民  
也爰割俸慮其勞民也爰僦工無雕鏤無丹雘以期  
其經風雨歷歲時始工於壬子九月之上旬迄十月  
之中旬而落成敢曰靖共乃職乎惟事因農隙庶免

於君子之譏而已雖然事不患其難成而患其難久  
作者心手之經營常賴有能繼者始不至於廢不然  
則此棟宇牆垣之構其能經百年而不敝  
乎予故書數言鏡石以告後之君子焉

時春浦門已蔽爲修復之以門直府學前宜通不宜塞故

也是年冬東城樓風折左隅甲寅乙卯開春浦門復塞二

十年東城樓全圯旋經修復雍正十年知府蘇祉時加修

葺十三年知縣陶士儂請復開春浦門由是鄉試漸盛乾

隆五年東南城角洪水衝圯西濠城垣傾塌一片知縣程

光鄂請動公項銀二百六十餘兩修葺八年西南北城垣

俱有倒塌知縣汪文麟請動公項銀二百九十餘兩補復

建置 城池

完密九年西門圯汪復捐修題曰寶澤門南濠因溪帶以  
天塹北西東濬濠深可丈許廣四倍舊時歲入菱蓮魚課  
約一千四十有六貫舊屬廣信所雍正十三年奉文歸縣  
歲征稅五十四兩存爲修城之費乾隆七年奉文解貯府  
庫仍爲修城支用乾隆四十七年週城俱有坍塌處知縣  
程肇豐修復

### 公署

縣治在府治東唐宋舊治在州城外天津橋元季燬於兵  
明洪武三年知縣陸晟徙今所成化四年知縣董綸改創

一 爲廳後爲川堂廳前爲露臺爲雨堂爲殿  
一 爲 曹外爲儀門堂後爲內宅其左爲丞廨右爲簿廨  
一 爲 廨在承解之南吏舍列東西廡後儀門外東爲土神  
祠西爲井獄又外爲大門爲申明旌善二亭後二亭俱廢  
萬歷開知縣許令典建迎賓館於儀門外左舊有仁明廉  
敬四箴篆壁

仁箴云 含生蠕動皆天所生民吾同胞尤切於身  
草芥視之抑獨何心噫馳聲鸞鳳彼獨何人而我寧  
自比於蒼鷹明箴云惟水之清能照鬚眉惟鑑之空  
可別妍媸乃人之心至虛至靈一有障蔽是非兩迷  
噫片言折獄彼獨何人而我顧  
自聽其昏愚廉敬二箴失考

國朝順治初知縣郭永靜撤戒石亭樹兩楹於甬道至簿  
缺奉裁廨廢縣丞廨亦廢暫僦民居順治庚子知縣程汝  
璞捐修大堂題曰芝發以梁開會產芝也康熙十三年爲  
我城僅存川堂數楹不蔽風雨十七年知縣馬之驥蒞  
任樓止無所結茅治事至二十年始建頭門儀門覆以竹  
簞事皆草創四十三年知縣劉光祖捐建大堂乾隆八年  
開 汪文麟外而廳事內而任舍俱稍加修葺二十  
年 鄒應元於政事堂東建屋三楹顏曰靈山草堂  
鄒有記四十六年 程肇豐重修

附錄鄂記 清源以歲丙子移治葛陽越明年吏畏  
而民和獄訟浸衰治以無事迺卜地政事堂之東偏  
立屋三楹顏曰靈山草廬請余爲記葛陽繞宿皆山  
而靈山蒼翠峯巒綿亘百餘里尤傑出於衆峰草廬  
直其南烟雲開閣激宕沉凝持頽偃仰攬不逾席清  
源以聽政之暇賓朋宴笑循循施施意若有得余觀  
古之爲治者其道亦甚詳而不苟矣迺其泉石池臺  
之勝川原林麓之觀往往窮極幽麗用以馳騁其耳  
目而宴逸其心思而又恐其無有聞於後也爲之文  
章以張大之後之人慨想其遺韻流風又未嘗不過  
其地追尋其故蹟躑躅沉吟歛噓不能已夫古者之  
爲政詳矣其思所以致於民者亦奢矣而其神嘗暇  
其意嘗若有餘後世吏治或弛矣其於民抑疎且畧  
矣顧危疑顛頓蹙蹙焉若不能一日以安此其故何耶  
清源前蒞武寧六年今來是邦又二年余未知清源  
之爲政視古人何如倘亦柳子所爲視其細可以知  
其大耶於是書之以爲記且令劉石而陷置之於壁  
俾來者有以攷焉乾隆戊寅秋七月既望兄錫書

建置 公署

縣丞署前在縣治左贊政廳後明天啓閒缺裁址入縣衙  
順治閒缺復丞僦民居蒞事至呂調元始構數楹於縣治  
右後又圯賃民居雍正五年詳請以天主堂改爲丞署乃  
有棲止乾隆三十八年縣丞趙如芳重修添建書屋三間  
主簿署前在縣治右後缺裁署廢

典史署前在縣治儀門內左年久倒敗乃葺吏舍以居康  
熙十三年燬後皆僦民居蒞事雍正十三年典史李世昌  
詳請於縣治頭門內右建廳及頭二門廳後李又價買  
專知縣一希助自置房屋四進始免租賃

原按希之地

有助以事呈誤因買縣署西民  
房居之去之日轉售於世昌耳

乾隆四十五年

讓添建川堂堂右橫建書屋三楹堂後建住房五楹

一新

鄭家坊巡檢司署在靈山鄉去縣北七十里

八坊場巡檢司署在來蘇鄉去縣南八十里

陰陽學在湖東道南久廢

醫學在府城隍廟東久廢

僧綱司前在天寧寺

道紀司前在元妙觀

申明亭在縣門外東址存  
旌善亭在縣門外西址存

公所

上諭亭在府儒學左乾隆八年建知府陳世增知縣汪文麟以府學尊經閣改建前朝門左右廊房內

上諭亭每逢朝賀令節文武員弁隨班朝賀宣講

聖諭

察院司在縣治後東北天寧寺基舊有府屬縣屬公所順治閒缺裁址仍爲天寧寺

布政分司在縣治西盈濟坊舊在治西政教坊明正統六年以陰陽學基改建正德閒再徙今所康熙六年缺裁司毀

察院分司在縣治西澄清坊缺裁址存今爲督學行署

考棚

學政試院在府署東前有坊曰麟祥鳳彩

國初學使者集生童試饒州寒士跋涉數百里資斧維艱康熙五十六年使者始蒞信校試備夏文愍祠爲行臺臺塵湫隘弊竇叢生乾隆二年知府陳世增始卽舊察院行



署改建今所聽事有堂校文有館試士東西有宇吏人有舍稱壯麗焉

巡撫岳濬記 今 上御極之二年濬奉 命移節江右甫蒞數月信州守陳世增以創建校士館為請余披牘慨然興曰是誠領郡之首務也宜亟圖之信當闢粵之衝我 朝定鼎之初去兵燹未遠守茲土者輒以保障農桑為要而課士衡文之地未及講也督學使者按臨是邦每憊廢第館之負廓數椽湫隘荒陋更非體制茲 國家承平日久廢墜舉修比戶可封人文日盛信雖山郡駸駸日上陳守三載於茲為學校計者至周且悉屬邑如上饒廣豐弋陽相繼修葺而書院則鷲湖懷玉鍾靈諸所凡所以培養士類者匪不漸次舉行矧是館為督學考校之區諸生徒甲乙之地又何可任其簡陋而不為之治乎爰如其請一時郡縣縉紳學士咸聞風興起醵金勸力惟恐或後乃相地於郡署之東鳩工諏吉以成其

事是役也葺木於林伐石於山聚巧人梓人日千餘指以斲以塗不數月而工落成聽事有堂角藝有宇校文有館率皆崇整宏敞煥然聿新一時冠蓋章縫下及販夫與皂莫不濯欣慶幸為數十年來未廟之規模於以具舉事竣白余並丐余言余觀是館之適觀厥成也頗其堂曰觀成堂余因之有厚望矣江右為人文淵藪天寶地靈甲於他境而太末尤為東南望鎮屏山秀臨饒水澄漪正宜上應 昌期覃敷雅化今得賢守興育而鼓舞之相與培士類振文教以視裴倩之闢田課農所關尤鉅而豈類載酒之亭一杯觴客已哉余既喜陳守之創建維新而猶幸都人士之鼓勵勿倦彬彬蔚起萃為彙征之吉也爰鐫石以記

其事

學使趙大鯨記 信州校士館在府治東隅太守陳君所特建也先是學使按臨郡郡縣吏無以稱塞乃儼舍館於城西夏文愨公祠室僅數楹不足蔽風雨兩廊之構榑瓦礫亦散不可拾遇霖雨泥潦煩暑鬱

建置 考棚

蒸就試者率奉曲竟日雍正甲寅冬陳君知郡事政  
行而民聽凡義學舍倉及鍾靈橋大工皆次第有成  
就既乃曰校士有館督學之行臺也奈何苦湫隘至  
無以容賓從且多士三年兩試冀得當於主文而可  
不假之盈尺地乎爰申其義條次具悉會當事者奉  
行成例未之能及也 今上御極之二年大中丞  
岳公移節豫章釐定庶政獨是太守言下其檄如所  
請行一時聞者咸輸將恐後合錢於銛合材於涂合  
塢塏木石之工於厘市不匝歲而工成都人士頌之  
予奉 簡命來視學以今年四月試信州既適館  
見其外舍宏敞不至喧雜多士鱗次以坐獲盡所長  
即瞭望者亦稱便其內則幕署賓次皆獲有寧所集  
七邑生童校甲乙計二十有五曰事竣幾忘去也太  
守因敘其顛末屬予記之予謂規模整瞻中丞公記  
之詳矣至度地鳩工太守又具勒於石其復何危言  
顧吾聞事有不謬於所舉足以扶風教經紀人亦  
前代魁之漢文翁治蜀廣關生徒學舍於成都市  
有非奉有明詔而禮教大行天子嘉與遂頌其

郡國垂示為令矧今 朝廷百度脩舉若試士有館  
實與學舍相表裏而信州尤嫻理學先儒之遺風有  
溯太守能扶掖而鼓舞之俾士風蒸蒸日新將見人  
文脫迹者前後相望皆太守特闢其地以始基之也  
風示諸州郡是亦足為守土者式矣太守予同里人  
官信州七年循良第一蒙 天子召見將吹角建

牙以去併  
書以記之

太守陳世瓚記 督學使者考校各府例有校士館  
以駐其節則憲節按臨之行臺也而廣信府獨無之  
緣舊隸饒州生童赴饒應試無庸建設後以道遠走  
集為輟於康熙乙丑歲始事按臨館於城西明夏文  
愍公祠一時遷就遂為固然計今五十餘年矣夫督  
學所專者學校之事一省之德行文章繫焉繼復妙  
選侍從詞臣出膺是任與總督巡撫列為三院位號  
禮秩以次俱升其尊重若此而額使徼屋按臨草草  
將事為體已衰况夏祠正當市肆湫隘囂塵候黠則  
苦填咽編試則虞風雨且右垣逼近民居左臨空院

易萌窺伺即使防閑周密難云奸弊不生其為興賢育才之地又豈淺微也哉余於甲寅冬來典郡事即思規畫創建為環顧七邑絕無公項動支若捐銀又恐茲煩擾其時當事任者復意在因就目前是所當行一概報罷進邇却顧忽忽三年去年夏歲試事畢試者留聚府城合詞以建館為請且謂生童赴試者數以萬計有力者量捐數星其縉紳富室願捐者聽則費充而人不擾獲捐之利無捐之弊宜可集事因即據詞詳請撫憲岳公公大悅批准且令即便宜斟酌舉行蓋公以鎮靜明敏之才移撫是邦於輯吏安民之外尤重士風而是役又為國體所關宜其聽轉圜而令流水如此其易且速也於是紳士聞命爭先赴郡關領印簿尅期興作遂立簿分給入學七縣填寫姓名銀數擇其中謹練者十餘人並其役收掌捐項銀兩采買木石磚瓦給發工匠一出納不經胥役闢地於府署之東察院行署故址為門堂寢室凡五進室堂各七楹西東兩考廡以間計者各二十有四計工料及雜費銀凡四千八百七十兩零始事於

倉庫

常平倉

在縣治右縣丞署後現貯穀載萬石

府預備倉

在府治西北順治初廢知府朱治泰改建常平倉於府治東大橫街後亦廢址存今改於府治

右乾隆三十八年奉文歸併縣管

漕倉

在西隅阜民坊知縣馬之驥捐買民房一所為漕糧屯發之處且便水次也乾隆二十年知縣李文耀詳

拆復

建置 倉庫

城隅社會

在縣署後乾隆八年知縣汪文麟建

鄉社倉十四所

城鄉各社倉舊貯谷貳萬貳千三百三十八石七斗四升九合一勺乾隆四十五年

奉文糶賣息谷一萬三千九百零九石八斗四升五合六勺價解藩庫克公現在穀入千四百二十八石

斗九

收卹

普濟堂

乾隆三十五年二月十八日巡撫部院海 奏請添設十一府州普濟堂收養老民等因本年四月初八日奉

硃批如所議行欽此欽遵在案知府李鎮建設在府城中

基地長十五丈寬十二丈計瓦屋四十一間三十六年正月收養老民六十名委府照磨所經理總理書辦一名門役一名水火夫二名每人日給口糧米八合腐菜錢二文柴二塊鹽四錢五分油一錢六分每

月賞茶肉錢五十文端陽中秋年節三次每節賞錢

二十文冬給綿衣裋被三年添換一次疾病藥餌每劑銀一分病故棺木錢八百文殯埋三百文詳准先

於首縣借給按季造報請領年終核寔七縣照廉公捐還項其西首空地三畝七分五厘二臺衆老民分段種菜自食

養濟院

在縣治後東北武安坊舊在西關外天津橋明崇正戊寅御史徐養心檄知縣關捷先遷今所

育嬰堂

在府城西準提巷康熙開知縣劉光祖建

惠民藥局

在縣治西久廢

義塚

昔名漏澤園一在縣治西二里一在縣治東地各郭門一在北門外

施茶亭

在鍾靈橋下南前守張國楨建橋成以餘材葺亭三間架捲棚為夏月施茶以飲行人之所已廢

放生河

在鍾靈橋下知府張國楨因橋工告成立石河岸上自一杯亭下至大官埠為界禁民捕取而魚亦

建置 收卹

叢集其中游泳自得亦數罟不入之意也馬道畊有  
記見上饒注乾隆三十一年知府李鎮嚴加禁止四  
十六年知府康基淵復行禁飭

驛舖

葛陽驛

在南隅下郭去縣一里許古真慶宮基也舊名饒  
陽驛宋淳熙間在城隅闕坊元至正甲辰知縣  
章衡徙府左改名葛陽明洪武十四年徙今所缺裁  
署亦廢王安石宿驛詩山月昏昏漏未央一燈明  
滅照秋床病身最覺風霜早歸夢不知山水長坐感  
歲時歌慷慨起看天地已淒涼鳴蟬更亂行人耳正  
抱疎桐葉半黃孫楚晚眺詩萬家烟火積雨後兩  
岸樓臺夕照中雲盡靈山負北郭橋浮江水臥長虹  
病眸恍惚如觀畫行計分明頻轉蓬  
忽憶瘡痍數年事潯然無語立東風

遞運所

在闌門外通津坊缺裁址  
廢半爲僧寮卽今波若菴

前舖

十里舖

靈溪舖

砍石舖

婁村舖

沙溪

舖

以上通玉山

儲溪舖

冷水舖

方家墩舖

坑口舖

以上通興安

黃塘舖

上宜舖

毛村舖

唐嶺舖

以上通鉛山

黃村舖

中團舖

以上通廣豐

陂塘

和尙陂 灌田一頃 三十五畝

以上進賢鄉

橫園陂

灌田二頃 十畝

張溪塘

灌田二頃 一十畝

色塘

灌田一頃 四十畝

斗門塘

灌田五頃 三十畝

黃沙塘

灌田一頃 零九畝

以上崇孝鄉

毛塢塘

灌田二頃 一十畝

限時埧

在六都

梅堰

灌田一頃 二十畝

萬西山下塘

灌田一頃 七十二畝

以上明遠鄉

陽下陂

灌田一頃 二十畝

新塘陂

灌田一頃 一十畝

獲陂

灌田一頃 四十二畝

石梁陂

灌田二頃 一十畝

官圳

灌田三百 四十畝

以上石人鄉

門塘陂

灌田三頃 三十一畝

張公塘

灌田二頃 七十二畝

楊家陂

灌田九 十七畝

羅家堰

灌田二頃 五十畝

董家堰

灌田三頃 七十畝

螺陂

灌田三頃 七十二畝

社林塘

灌田五頃 五十畝

以上安輯鄉

新塘

灌田一頃 十二畝

張家塘

灌田一 頃六畝

芝塘

灌田二 頃二十畝

董家陂

灌田二 頃二十畝

楊家陂

灌田一 頃一十五畝

劉湖

灌田五 頃六十畝

建置陂塘

沙湖 灌田四頃  
 楊家湖 灌田三頃  
 長湖 灌田七頃  
 新塘 有二十一灌田一頃又一  
 灌田一頃一十二畝

以上開化鄉

官陂堰 灌田二頃  
 石頭塘 灌田一頃  
 傅家塘 灌田八

以上乾元鄉

雞鳴塘 灌田八頃  
 赤嶺塘 灌田一頃  
 菱塘 灌田三頃

西山塘 灌田一頃  
 黃大塘 灌田一頃  
 黃塘 灌田一頃

周家塘 灌田一頃  
 陳潭陂 灌田一頃  
 劉塘 灌田一頃

桃枝陂 灌田一頃  
 黃沙堰 灌田一頃  
 溪滄塘 灌田九

崩塢石頭堰 灌田二頃五畝  
 雲洋黃沙口堰 灌田一頃三十四畝

以上永樂鄉

湖口堰 灌田九十七畝  
 同塘陂 灌田五頃六十畝  
 王渡塘 灌田一頃五畝

常樂塘 灌田七十九畝  
 嚴堰塘 灌田二頃  
 嶼塘陂 灌田二頃

原田堰 灌田一百畝  
 樟樹塘 灌田一頃二十畝  
 新陂堰 灌田一頃

西坑堰 灌田五十頃  
 黎州塘 灌田一頃六十七畝  
 汪家塘 灌田一頃

灌田二頃二十畝

以上來蘇鄉

黃巢塘 灌田一頃八十畝  
 黃土垠 灌田二頃一十畝  
 烏沙塘 灌田八

建置 陂塘

源瀝埧

灌田一頃  
三十畝

破湖陂

灌田一頃  
四十畝

新塘

灌田七  
十畝

清水陂

灌田九  
十畝

上倉塘

灌田九  
十八畝

官塘

灌田五  
十畝

以上上饒鄉

打獵邊洲

灌田一頃  
三十畝

官塘

灌田八  
十七畝

官洲

灌田二頃  
七十五畝

以上太平鄉

津梁

平政橋

卽郡城門外浮橋其初無可考宋淳熙元年州守趙汝愚重建汪應辰記水自玉山歷信州而州

之南有浮橋歲月浸久板罅朽脫領鼓動搖行者惴惴焉夫使柱與梁之不設而民以病涉比其害之可見者至于有其具而不足恃則有不可測年之害此仁人之所隱而爲政者不可緩也今議卽請侯汝愚

子直自著作郎來領州事每惻然念之顧以此年費用日增校之異時相倍蓰而不翅左抵右結殆不服給惟是樽縮浮濫檢梃欺隱銖積寸累久之得錢三百萬而贏于是撤舊橋而一新之廣厚堅壯坦如平塗父老嗟嘆前所未嘗覩也其下流曰三港蓋永豐之水北行又西南湊集于此而閩人所從往來之津也舊以舟渡至是收其餘材亦創爲浮梁以易之淳熙元年九月丙申始作闕六旬而成其市材僦工率用平價謹視出納稽留廢刻之弊民之與官爲市爲役者如私家然自初聚糧以至訖事無一擾於民者春秋常事不書凡土木之役不時害義固非其常矣至于雖得其時雖當于義亦謹而書之蓋以用力爲重也况能於艱難偏仄之中委曲經畫纖委備至未嘗勞民之力而能革弊除害以春秋之法言之則其于凡例之外變文以示義宜何如顧余不足及此也特記其事而已國朝康熙壬寅知府蔡廷輔以舊橋高闊風急水駛改建石橋易名廣安後地于水仍用浮橋至庚戌開復壞知府高夢說捐建徐旭齡

建置 津梁



有記郡南高溪水深而清冽映南屏諸山空翠如畫  
 鍾靈石橋既圯不可復作斯架舟為梁亦朽壞不可  
 激又未嘗不為之惻然也今秋鄉父老郵言郡伯高  
 公暨司馬侯公重建斯橋一木一石皆郡伯與諸公  
 捐俸給之鳩工庀材命知廳董其事肇於七月至九  
 月中浣而橋成車馬往來不復航渡之苦屬余為之  
 記余諡高公之治吾信也若學官若城垣若一杯亭  
 四賢祠皆次第修舉照人耳目廣安橋特其一耳當  
 吾信蟲旱交虐之後哀鴻遍野公乃興土木非時細  
 舉羸瘵做古大儒救荒之策俾民有所樂生而不知  
 則公之為德甚大為功甚遠不獨行道之人歌之咏  
 之而已是為記壬戌橋圯用渡知府孫世昌重建之  
 熊一瀟有記 信郡南臨河源出玉山至三港口永  
 豐之水北會之以趨大江舊有平政橋歲久圯宋淳  
 熙間郡守趙公汝愚易以浮橋民便之其後興廢不  
 一 民行客之往來者以舟為渡康熙壬戌  
 公 是郡當是時信州甫罹于兵驚鴻未  
 無人庭生旅穀饑者仰而待食懸者呼而待

強者噤者梗而尊者狡而竊者乘間抵隙  
 起廉公以經濟之才治一郡若烹小鮮然撫  
 會才期年而饑者哺懸者安鬱者平強者馴噤者  
 者竊者懲而靖利者興之弊者祛之瘡痍之民頓有  
 起色于是不修廢舉墜前後告竣問民之疾苦而嘆  
 咻之勤農講學以崇教化然後攬江山之形勝希往  
 哲之遺跡慨然太息以為趙忠定之浮梁遂不可復  
 乎氣斯民尚擬于渡也乃捐俸鳩工檄各屬邑具舫  
 凡三十六聯艦擊竿橫亘于江之南北冬十二月浮  
 橋成而人之憧憧攘攘者無問津過涉之虞矣公憂  
 民之憂如此較之趙忠定當日仁風治績何先後一  
 揆耶爰因信人之請而記之乾隆三十一年知府李  
 鏌建造浮橋置船三十六隻大鎮貳條大小鋪三十  
 六口易名長清浮橋貢生紀耀昌汪燁汪寧遠職員  
 雷錦文楊文錦監生張煥燦貢楊祖仁俱各捐田一  
 十二畝有奇貢生鄭功模龔雷春生員劉仁傑周樹  
 汪光徐標等監生鄭朝抗舒在泮鄭功楷周邦植鄭  
 功楫各捐田六七畝至二畝有奇共計田一頃三十

建置 津梁

四畝五分零  
以贖修葺

### 鍾靈橋

在郡城南明天啓開知府蔣如奇始建石橋上覆

以瓦自爲記康熙己卯知府張國楨重建自爲  
記余自甲戌秋來守茲土蒿日地方皆頽垣斷墜  
井甃不禁感慨雖見城南之河中有砥石數處  
起建橋基而中止者余方念生聚教養之不逮  
及工役之事哉遂寢而不問閭閻庶務稍整  
集爰老而詢之曰此橋旣已興工云何仍然築  
舍義士盧佑王之濟等告曰橋各鍾靈爲信郡  
砥柱向來地方富庶自橋毀至今幾六十載不  
惟病涉且致氣運頓衰所以地方官民亟圖興  
復會兵燹凋殘而未舉者有年公詩鳴驚因民  
之願欲遂首捐共銀一百兩上憲率張世奇募  
捐銀三百兩永豐縣傅而保募捐銀二百兩  
現任王度募銀三百兩貴溪李張等募銀三百  
兩等同行僧正元廣募府

士庶常玉兩縣商人河口行舖并府堂胥役義  
等及過往外都宰官募銀七百零二兩五錢九  
釐通共銀二千六百九十二兩五錢九分四釐  
此橋墩數座內止六墩完工其餘或築止數層或半  
水而未完者合計全橋并南北兩岸共一十六墩每  
墩相越三丈八尺除修完石工之外每空需用四丈  
餘長大木跨越填蓋尤必疊累數層方克勝任而能  
經久是以不獲竣工余聞之愀然曰地方不堪再募  
也民力不堪役使也予當俟機緣務必爲爾成之豈  
天誘其衷未幾而潮藩趙公經由觸目捐銀百兩未  
幾而我觀察佟公經臨注念立意贊成首先倡助并  
請捐于大中丞馬公總鎮葉公方伯盧公督漕王公  
驛道蔣公督學王公俱樂助清俸彙交于予乃得購  
木石于山僱人力于匠計人授食計工給銀不染民  
財不役民力南建三楹茶亭僧廡各一座上蓋廊房  
七十九間自完石工之後于戊寅七月初八日始興  
木作至己卯六月下流落成親自會計除從前官民  
捐費過銀二千六百九十二兩五錢九分四釐外又

建置 津梁

共費銀二千五百五十三兩八錢一分噫余初詢父老之時意謂何由得此力量以合此美而今竟得合美矣豈人有善念天必從之者耶謹將捐助姓名勒于碑陰之左以志不朽云爾 觀察佟國勳記西江之梧州南通湖粵東接浙閩舟車絡繹為水陸通衢其城之南濠河廣千尺迅流奔逝一遇疾風暴雨即艱于問渡攷諸府乘舊有長橋名鍾靈者非惟濟涉且謂一郡勝概因年久毀廢且值甲寅之後地方凋敝人民離落未議興復是以數十年來人皆舟渡凡往來士大夫經其下者無不感慨咨嗟予向牧粵東量移浙右道經于此目擊汪洋遂私心自許以為得叨斯土必廣募同人舉此廢墜雖惓惓于心然曷能一酌此默願也丙子秋恭膺 簡命觀察此邦仍從玉山順流而下值張郡守迎晤暫泊河干自問民俗土風之外臨流周覽忽見橋墩幾座高低隱見于水中若有為修建狀者隨詢之張守云橋工甚鉅雖前此官民奮志募建盡心力而為之止築此橋墩幾座尚皆半完不全而架木全無匠石不繼估算工費

非數千金不可若復草草仍難經久前蜀臬趙公藩赴越亦由此橋經過普濟同心慨捐百金以助然所費不貲未易卒講容徐圖之予聞郡守之言不禁私衷自喜乃見仁人之利人無所往而不同也但修做舉廢守土所宜必衆擎易舉始克襄事因于抵任之次言及此橋荷大中丞馬公總鎮葉公方伯盧公糧道王公驛道蔣公司衛王公一時樂從各捐廉俸予亦另捐金並交張守購石採木刻日興公一切料值俱現價平買一切工役皆計日給錢上蓋廊房下壘層木堅緻牢寔竟已訖工蓋經營督造皆太守一人耳目心志所施並不假之左右是以其工甚專夫王政甚重扛梁雖守土之事然必守土者之賢而且勤始能如是也今斯橋砥礪狂瀾虹飛江上不特往來免舟濟之苦寔又一郡風水所關余忝首舉工完請記于予乃為勒石志之述事無文惟冀不朽後之蒞斯土者知工程修造之難時加補葺庶不負前者之苦心耳雍正癸丑水衝圯幾三之二知府程廷偉知縣陶士儂議易木以石而艱于費邑紳士徐綱王

建置 津梁

珪周宏基楊必芳張之晉周治王士禧毛廷桂捐金  
 各百呈請檄七邑共襄之議遂定督造有盧琪汪元  
 楹吳之淳全天爵鄭正官紀耀昌張羽伯諸人程去  
 知府陳世增完其事更于橋南建三義殿募僧看修  
 月給薪水皆分北岸店租 自為記自玉山一外西  
 折約百里及廣信府城之南為城之南濠濠西注入  
 湖以達于江濠之北背城一灘截流中斷水石相激  
 怒不可踰為往來者患苦久矣聞昔人曾營建石橋  
 其上工未竣而圯說者憾焉明天啓間郡守蔣公相  
 石橋洞架大木為橋名曰鍾靈 國朝康熙己卯  
 郡守張公重修益為石墩十六皆號為盡制然閱年  
 不過數十率傾廢不可以支蓋水漲木浮既易於蕩  
 沒又難基之以石而無石以鎮束其顛即其基亦既  
 隳而難久勢固然也然則是橋之當易木而為石也  
 豈容須臾緩歟余向者嘗以事經此目擊而心動  
 雍正甲寅年奉 簡命出守廣信竊計次第檢校  
 府事當遂從事是橋以憚吾志冬杪抵任始知其年  
 之夏已經始橋工恢復制易而石矣乃大喜率僚屬

行觀見夫規制一善取材之富監視之勤與趨事者  
 之勇喟然嘆曰是工計日當成既成則利賴豈徒數  
 十年而已吾得與觀其成足矣何必功自己出于  
 益為廣其資用而作是勤又更一年許至乙卯之冬  
 而成望之如虹履之如砥壹似向未有橋而今始有  
 之者爰仍其舊名而為之扶以石闌覆以亭宇為勞  
 人惕息之所凡車者徒者東西絡繹莫不踴躍歡呼  
 以為今而後其永無淪墊之患也雖然舉廢者恒踵  
 事而增華保成者當防微而杜漸今橋已易而為石  
 豈復尚留餘憾有待於增獨慮露雷水雪之所剝沙  
 水之所泐入畜之所蹂踏歲復一歲雖金鐵亦無不  
 毀之理而况于石苟能無俟其毀隨時而補葺之則  
 于後之君子方有無窮之望豈曰已成矣而晏然乎  
 哉是役也悉心擘畫始之終之者為上饒令陶君士  
 橫又得前郡守程君司馬季君以至持其上郡之紳  
 士助勦其下費工料計白金之數凡萬一千有奇皆  
 不可以不記也乾隆九年甲子七  
 月初六日大水橋圯後仍用渡

建置 津梁

諸溪橋

縣西十里宋紹興間郡守林公建章鑄記諸溪有橋乃宋紹興間郡侯秘書林公所建前記備矣然考之圖志楮乃從木故老相傳溪岸多樸木遂以命名或曰衆流之所會也故稱曰諸溪橋今且百年矣水啣而敗過者病焉余一日出郊目擊怵然心動退而究其源委則知前人創始未有不為經久計者自易木為石蓋嘗買田以為歲修之備立意固善作法非良迺以田租屬之廣教院主僧去來不常悉以所入資其妄用橋之頽圯不顧也計田之人歲得米二十五石有奇與其斥為錮徒蚕食之費孰若收其贏以助吾惠政于是以其租歸于官存五之一以贍掌橋道者姑輟已俸十緡助之餘則于綱賞庫借用焉積其歲之入不數年可以盡償郡得此租則修舊起廢來者不容遺其責矣爰屬上饒邑佐游君炳董其事不七旬而告功橋之趾創者一修半者二衡為尺十有三縱七十有四為欄為檻悉完之費八千二百九十四緡有奇郡所撥之外乃邑大家出是塗者爭助成之余懼夫郡有修橋之田而後人不之知也

故切之不紀始末

按圖志以溪圯多榦

遂或曰衆流之所會也故從今名明崇正開橋復北

推官吳鑄重修自為記

三里橋

在郡東正德戊辰知縣黃希英重修自為記我朝分疆畫野以廣信屬江右寔居左臂之末東枕兩

浙南臂閩西襟帶饒撫諸郡郡之東三里許有橋焉橋之澗發源于靈山諸峯其舊址卑而隘每遇雨浹旬澗水奔漲橋輒被衝嚙脩而葺者屢矣正德戊辰歲夏四月雨久不止傾竟及址行者病焉而請脩于予予惟廣信既為東南要衝之地然自昔鎮江之漕河未通猶自孟瀆之險往巴蜀越滇南之兩廣者皆沿江遡流而上自漕河既鑿之後從廣陵渡江達京口抵錢塘既可舍孟瀆之險又無洞庭彭蠡之危故奔馳南北去險就平皆由信而之焉由是信之途輒迹始交矣于是乎亟命工修之又恐其傾而費財也因其基張而廣之較舊址加五之三所以殺水勢之暴而速其趨此則一勞永逸督廢承寧之意也其修

建置 津梁

之費也或節縮諸贏或籍諸商事成而民無所費  
至其事者則義士宋濂也因其落成予遂為之記

善濟橋

在進賢鄉宋真西山記昔者生民之病涉也聖  
人憂之取象于渙以濟不通于是舟楫之利與而

橋則未聞也迨用人造舟為梁厥制器具又其後徒  
枉輿梁而橋之制備矣其始本於天地之自然而成  
于聖人之心思其終濟天下而荷萬世考諸春秋外  
傳與孟子之書蓋以是為先王之政而非民之事也  
後世官與民為二幸而賢有力者出于其間以眾人  
之所共任者任諸已雖其事有異于古而其義寔可  
稱於今此予之所喜聞者也距信城二里許有溪焉  
其源發于閩舊建為梁以渡春夏淫潦纒絕艱解招  
招舟子覆溺相等里人葉君澤日擊斯害以為已憂  
迺相形勢凡工徒叠文石以址之架巨木以梁之絙  
始于嘉定辛巳至寶慶丁亥告成凡為屋五十有四  
間枕溪百餘丈靡金錢幾十萬緡旁為倉廩以貯  
田立聖以備繕修縣大夫陶侯木名以善其美

其利之溥也夫人浚利自營知以資濟物者豈能  
能發其家之積以去州里之所甚病者乎葉氏之在  
上饒未得以巨富稱為于好仁故能盡力以既歷事  
其不為賢矣乎推君用心其澤可及百世故予喜為  
之書君字潤卿終將仕郎子  
孫多且賢其與殆未艾云

靈溪橋

在崇孝鄉縣東二十里萬歷癸巳重建 吳嶽秀  
記江右信州舊隸浙省洪武初輯寧疆域始岐為

廣其地當吳楚閩越之衝山川峩嶷溪流湍折蓋要  
會也郡東二十里有橋名靈溪因治有靈山而稱溪  
之水自玉邑以上諸流派集眾壑奔騰春夏之交狂  
瀾如注舟楫不能支兩京八省行旅絡繹悉有資于  
橋乃溪之兩岸褒凡三十五丈舊制石不架木為梁  
隨修隨圯萬歷癸巳余姻家劉君子芳甫領第出令  
上饒適省耕諭農躬親橋所目擊其廢既憂且憐慨  
然欲起而新之不旬日以朽木墜幾什貴客益厚請  
慮諗郡中舊有別廢橋木若干置無用地即詣郡侯  
雲峯王公慷慨陳之願得其木以充底架繼而白湖

建置 津梁

東守道張公轉聞撫臺陸公按臺陳公悉允其議第見存者止數杆卑木君復計木植易蠹石砌可堅然而工費則一無所有也用是先捐俸三十金命工鑿石隨謀之鄉先生王鳳台費懷石諸君咸願助資以成盛美共得金七十餘鎰鳩木石諸工募鄉夫船隻置釘灰物料而草創興矣顧規闕而工繁恐其謀始而怠終也復割家囊數百金給工匠三日一詣橋所親董其事自萬歷癸巳冬至甲午秋月而工成自是四方士旅方軌長驅蹄摩轂擊利涉永賴矣余時受事天垣上饒士夫有自鄉至者莫不嘖嘖其事余喟然曰余劉君固梓里之岩杰也自弱冠時即負英聲嘗欲身肩天下事每窺有司受職怠事者輒唾之今其注措素所蓄積然也夫平政之務子產上卿猶然難之君興廢振弛有若弄丸持此以往即濟天下無難也余心嘉其事故僭為之記乾隆五年水衝圯知縣汪文麟修復以監生張煥等董治之九年七月初六日大水橋圯無存改為渡乾隆十八年知縣李文爾首倡復建百補貢生王坦監生徐堂吏員王秉信

徐時夢董治之四十六年知縣程肇  
 豐重修監生李日炳捐銀一千兩

通濟橋

在太平鄉縣東五十里明知縣彭祺壽建 自為記治邑之東五十里許名曰沙溪溪口有橋名曰

通濟以其當四方之衝而輻輳者咸賴焉索其興建則自我朝撫運之初延至正德歷年已久日見損壞丙子歲為洪水衝頽始有病涉者乃自於官欲為重建寔因兵荒相繼公私俱乏整寢其功造舟以渡時或淫雨連旬則又水漲而不得渡是以往來商旅上下文移或至稽遲其為患猶昨也今聖天子御極之明年余承乏來治斯邑聞斯患將有事于斯橋而猶未之舉也部民曹順祖本徽之休寧人也初以貧殖客于是鄉迄今四十餘年遂籍而家焉適于是歲之冬備其子仁政天政元政以其義狀請于予捐五百餘兩鳩工鑿石祖其舊而砌累之下造五孔上開一面其縱也二十餘丈其橫也一丈八尺其高也比于橫倍之其四周灰石交用蓋將無所不至經營兩載始克成功自是而後凡假道于此者靡不便之願祖

建置 津梁

亦商人耳不資衆力不藉羣材慨然獨出其所有以  
 成此通濟遂具識天下之義舉也予忝職茲土未及  
 爲此順祖迺能先我而爲之是非徒於民有濟而予  
 余則又深有助也故不靳其說 國朝康熙五十一年  
 知縣黃申驥重建 自爲記郡之東五十里爲沙  
 溪上三里許得支流湍急而深中多砥石發源懷玉  
 與信河匯爲四省通衢匪直三邑錯壤也有橋各通  
 濟由來舊矣然溪阻而深羣山攢列源遠而經其中  
 故嘗春夏霖潦則暴漲往往橋爲波濤所嚙而趨  
 圯隨俯勞吾民力不知凡幾邇者橋墜而代以木  
 瓦人多而船少行者病之予由陸赴任道出沙溪  
 渡者諠然詢之知舟小人衆爭相競耳即有  
 而初政未暇也閱兩月其里社之余生洵  
 及耆民鄭以法余浣余華等一十六人躋  
 德于引其端以訊之曰乘農隙僉出餘力以  
 所共 四年以垂久且可免敷敷從事如前  
 和 石 爲七既固其基又殺其勢使不  
 所 而居者無擾是役也 匠末

費視昔加倍非藉羣力有未易成者余惟東南澤國  
 橋梁爲先周官曰雨畢除道水涸成梁又曰歲十一  
 月徒杠成十二月輿梁成是王政慮民之周憂其病  
 涉而舉于歲功也今余生輩倡率復建通濟橋謀枉  
 以石而多疏其門樹之以堅而泄之以分似無衝激  
 之虞且其上有苦蓋之楹雖陰霾風雨不致漂搖而  
 橋自可永久民力自此可永逸焉予喜諸生之能協  
 予志相與有成將見長虹跨澗負者驅者謳歌而過  
 公私行役車轡馬蕭蕭揚鞭杖策望而色喜相謂  
 日利涉大川無煩招招舟子機舟相待矣其脩復之  
 功予捐薄俸以倡之諸生踴躍  
 躍以從之故予樂得而記之也

龍津橋

在石人鄉縣北九十里

三港橋

在進賢鄉

北塘橋

在上饒鄉大學士夏言墓道劉必達建



天津橋

在進賢鄉

萬安橋

在石人鄉

小澗橋

在開化鄉又名楊家石橋

溪口橋

在縣治東雍正元年僧寔霖募建

槩溪橋

在靈山鄉縣北四十里

虞路橋

在開化鄉西南七里

上宜橋

在乾元鄉南三十里

五馬橋

在進賢鄉

高橋

在縣南十里

晴溪橋

在進賢鄉

大石橋

在石橋鄉二十里

鎮坑石橋

乾隆二十七年鄉賓劉顯明捐建

濟川橋

在來蘇鄉縣南十里

土橋橋

在六十八都沙溪乾隆戊寅年余紹裕捐建

龜墩橋

在七十都乾隆甲戌余紹裕重脩

渡坎橋

在治東四十里後圯于水邑人鄭世懷捐貲修復

金湯橋

在六十一都高而安等捐建知縣李文耀有記曰余於癸酉春來蒞茲土時當荒歉之餘瘡痍未復

一切橋梁道路半多傾圮余觸目傷心細加籌畫靈溪仙山等橋漸以次鳩工不期年而皆落成矣都人

建置 津梁

士知余之心愛饒民也亦皆踴躍樂捐向善慕義而不倦於施如六十一都向有木橋其水發源鐵山分脈葛湖會歸象山左襟盤石江右帶入斗湖碧波滌洞森森長流以歸於信固饒江之要津也甲子歲甫砌石為墩旋為洪水冲塌望洋而歎者每與歌德榮也適高子而安欲繼其父志偕陳繼周等解囊首倡積米為山仍舊址而增廣之石共十墩門通九壩存閱寒暑而石齒磷磷長橋臥波竟有垂虹之象矣於以嘆有志者之事竟成也成而請序於余余嘉高子之能向善慕義也顏其橋曰金湯金湯者鞏固之義也夫士君子出則霖雨蒼生處則宜澤敷桑梓一橋雖小而利濟行人民免病涉由此心而推廣之亦安知其不可為涉川舟楫而普濟蒸黎

乎高子勉乎哉吾因之有厚望矣

城南渡 平政橋邊水或暴漲橋輒解舊用小舟以渡甚危成化五年知府王翰置大舟二隻渡夫四人

三港渡 在縣南十里

白鶴渡 在縣西三里

灘頭渡 在縣南三里

後洋渡 在縣南十里

峙港渡 在縣南二十五里

香林渡 在縣北二十里

硤源渡 在縣東七十里

焦石渡 在縣治西三十里原設有渡嗣經詹錫亮捐田十五畝募捐十畝贖雇修船永為義渡

壇廟

建置 津梁

社稷壇

在城西北天津橋按舊志在城西四里洪武二年知府周郁遷今所故上饒縣基也九年通判房文兼經歷王輔如制改作東西長二丈五尺南北如之高三尺四陞各三級壇下前十二丈東西各五丈繚以周垣右社左稷以石為主長一尺方一尺刻其上倍其下半埋于壇上土中上露圓尖神廚三間在壇西庫房三間在神廚西南宰牲房三間在庫房西北洗牲池在宰牲房前著衣亭三間在庫房西為齋宿之所今俱毀址存春秋二祀仍舊

風雲雷雨山川壇

在溪南上郭洪武二年知府周郁以太霞宮故址建置九年通判房文兼等如

制改作規制與社稷壇同今毀址存春秋二祀仍舊

郡厲壇

在城北門五里許洪武三年知府周郁置東西二丈五尺南北如之壇高五尺方一丈四出陞三級按舊志上饒縣各都有厲壇七百所今存廢無考

先農壇

在東門外二里舖

燾神廟

在治東北隅在本所廳後洪武六年千戶陸明置正德間千戶秦遜重修東西二丈五尺南北如之臺高五尺出陞三級旗燾廟三間宰牲房一間神廚一間今皆廢止有一室奉燾神主歲祀如常

土神祠

在縣治儀門外東

府城隍廟

在縣治西明洪武元年知府王範重建自唐宋元封以王爵明初顯佑伯洪武三年始正今號郡守彭南舉重修有記康熙四年分守道李士楨重修兩廊增祀七縣城隍及府社令規制加恢麗焉有記後燬于兵知府孫世昌暨各縣輪捐建造 陳文蔚聖政記曰城隍之祀莫詳其始先儒謂既有社矣不應復有城隍故唐季陰陽縉雲城隍記謂祀典無之惟吳越有之然成都城隍廟太和中李德裕所建張說有祭城隍文杜牧有祭黃州城隍文則不獨吳越為然又蕪湖城隍建于吳赤烏二年高齊慕容假

建置 壇廟

梁武陵王祀城隍神皆書于史又不獨唐而已宋以來其祀徧天下或賜廟額或頒封爵土或遷就傳會各指一人以為神之姓名如鎮江慶元寧國太平華亭蕪湖等郡邑皆以為紀信龍興贛袁江吉建昌臨江南康皆以為灌嬰是也張說祭荆州城隍文曰城隍是和產物助天育人張九齡祭洪州城隍文曰城隍是保眈度是依則前代崇祀之意有在矣 國朝乾隆四年署府裴玉麟復脩之正殿兩廊及二門頭門俱加增新五年知府陳世增復新砌內外甬道添將劉世榮又于正殿設門兩重以蔽之廟貌稱巍然矣

**縣城隍廟** 在縣治左舊在府城隍廟二門左介明萬曆庚子知縣李鴻始建天啓間知縣謝邦薦復遷今所 國朝順治七年知縣郭永靜重修康熙壬子邑丞陳貞捐修改建規制高廣自為記乾隆六年知縣汪文麟復加修葺兼置兩廊按宋林氏曰 城隍之神乃西漢御史周苛也守榮陽為其祠所高祖既即位以苛忠烈令天下郡縣立廟祀之故特建云

**張睢陽祠** 在東城門內德禮坊

**楊刺史祠** 在府儀門東唐楊光翼刺信有德政民感而祠之後入名宦祠以其祠為土地廟

**東嶽行祠** 在溪南瑯琊峯下宋紹興間建徐司空始其事前立雲壇早禱輒應明萬歷開郡守王體信

知縣王炳璿重修易木以石增置亭廟壇壝泉池侍郎楊時喬記我郡溪南南屏山右有峯巉峭峻嶂望之若狼牙峯而環拱郡治適在巽隅亦各文筆峯峯之下有谷谷之外有源其遙約去郡五里去溪一里地至深邃岑寂多沙石不可居不可耕惟道書所稱於神宅最宜故嘗建有東嶽行祠在焉東嶽寔泰山本封凡宇內東嶽皆有行祠不隸祀典肇起未知何時而茲祠則舊記宋紹興淳祐間郡民葉漢卿徐司空壘山堙谷而拓廣之也自宋元入明初即于祠前立雲壇以狼牙能興雲為雨舊諺蓋嘗言之狼牙雲生南巖電爍一時二時霖雨自落是所取于憂旱望雨者之驗至今猶信然者以是故于行祠為重然

建置 壇廟

當其興也宮亭樓閣門墻壇壝為屋千間守祀羽流  
戶籍田園為產千畝郡之遠近乞靈祈報至者亦無  
虛日否即屋漸憊裂產悉機廢祈報者亦稀至羽流  
因以遺而雩禱則阻于道遠必早甚間一至焉成化  
間守郡山陰金公偕佐宜興蔣公始募好事者增修  
親出贖爰量復祠中舊產令羽流居之其後又為他  
觀所有而祠且幾廢嘉靖壬寅少師夏公畧加葺葺  
未竟甲辰庚戌而後郡邑諸公歲常來脩禱事亦常  
雨然議增輯未暇今萬歷乙亥歲早明年豐和醫官  
林魁請于守郡平湖姚公佐郡莆田林公邑令崑山  
王公允募重建三公各捐資以倡其役又明年守郡  
漳浦林公佐郡寧國諸公饒陽李公閩州陳公各益  
資以贊厥成祠舊在山半柱木易壞于濕蟻今易以  
石又構文昌祠于祠後山春慈明殿于天堂故址上  
凡壇壝皆加葺整而生生泉則祈禱者謂山前不  
見水開之以通淨氣者亦加深濬自是祠事益隆  
重夫重葺祠寔以事實以事之所而

子惠民之其至厚也哉初議口魁宿祠中夜  
有示之者曰寒山勝建不須憂一年之內定有過工  
起于初年仲冬望就于次年仲冬望一如夢語此亦  
言異以示驗山靈乃魁積誠所存期偶速符者矣祠  
前有石亭右有忠烈廟廟下有清泉雩壇壇下有天  
醫案案前有橋井杏林行祠門下有肅容亭亭下瀆  
溪有摩公祠祠前有太乙池皆魁同醫官黃鳴韶等  
合郡士大夫而濶成之者並著於記 國朝康熙二  
十一年知府孫  
世昌重加修葺

紫雲殿

在西隅祀金甲楊泗將軍康熙辛亥邑丞陳貞重  
建自為碑記距城二里許有陶家埠即古周瑜  
之百花洲地也頻河而南為上饒江水汎舟航上下  
稱要津焉其在明時設有座差二舡若干隻水手若  
干名而以遞運所官司其事官舍即構于崖上于是  
風帆輻輳煙火千家咸目之為水次矣因就江側偶  
建紫雲殿奉祀楊泗將軍之神有金甲顯神之異而  
惠邀其利濟大川之澤也然初制巍峩飛丹流碧即  
建置 壇廟

有傾欹水次民輒修復之歲度祀事不衰國朝以來舟制既裁所職亦廢其衝址半為僧塚所有唯紫雲殿巋然獨存壬寅不戒于火等雖還復而支地數楹風雨不蔽漸有摧折之患余以職司漕艘每歲所兌必致禱于神額瞻廟貌惻然者久之謂兵精運載上以利軍國及其赴次下以利吾民無鯨鯢鼓浪不尤揚沙之憂中以利吾軍若職也神之靈爽視山月社稷之庇何如而額使三瓦徒陳兩楹空立神將據我手乃請命于各憲咸得分以冰俸余乃竭蹶將事陶甃藝瓦仇工給食夾柱而上皆垣墉丹堊完整堅固不特風雨無憂抑且敬仄不患今而後臨高瞻深神之靈爽當赫赫若前日矣是役也往來省會稽以時日寔鳩工于歲之辛亥端陽而告成于今夏之六月也

李將軍廟

李將軍廟在石人峯下神諱德勝字元明河南人唐大真先立化遂建廟祀之宋宣和間吳希孟行狀公

封助靈將軍明嘉靖二十一年大學士夏言疏請賜號靈山鷹武李將軍萬歷間助王師平播有靈爽晉封西濟宏道崇興護國真君詳見吳希孟行狀公諱德勝字元明河南陳州沈邱人唐德宗時由進士擢吏部員外出守信距治北七十里靈山石人峯下胡隱居祠在焉貞元六年天下大旱劉太真奉檄徧禱至信李偕劉往祈之爾立應劉反命復奉勅建祠祠成劉立化公塑像配享往祭之亦立化民亦留其像以祀世傳八月十二日為誕辰似非誤也自是水旱蝗疫禱無不應南唐保太及宋紹興以來啓敬臺臣飛鏹卜廟威顯滋甚宜和開方臘寇境王守愈請助討師行巨鷹如護獻俘疏上賜鷹武廟額紹興初官軍勦承豐賊不勝守令乞靈于公果自旗蔽天賊就擒徐守俯以聞封助靈將軍成化末年守談綱建行祠于郡西時立楹衆議方向未合是夜風雷交作百楹悉轉一如舊祠式姚源賊熾正德癸未冬犯其祠下公違祭弗享賊怒擊昇出坂不勝百人昇之亦難移卒然賊巢驚賊自四山皆官兵矣咸疑王師至

建置 壇廟

遂夜奔他境時有間道從賊中出者悉其故朱守嘉  
會聞之葺祠以報適擢楚未及上聞耳凡此皆功及  
朝野者也若夫由唐歷宋以至于明易泯為和化歟  
為稔不能樂書由是觀之公之功與公志爵誠無間  
然矣或謂皆胡隱君功而吾竊疑之隱君始于三國  
而發靈于唐何貞元以前數百年不書他跡而書擢  
驢之怪則後此之功應自有屬况紹興爵封書劉李  
以姓書隱君以例封禪其意可知矣蓋隱君之為人  
也既稱有夷皓風概則藉功爵以夸耀後世必非其  
心又奚必以功為隱君惜哉今聞聖天子篤念元輔  
建醮祈嗣希孟因中書夏克承之來請神也遠望聖  
明亦虔禱焉建醮之日數鵠遶庭事竣中書迎神出  
希孟坐堂聽政百人輿神不行忽突入府希孟即堂  
下拜之令左右導中路出不允者再四希門前導至  
大門揖送神復退讓于西階希孟進二門始疾行去  
神初本郡守茲血食郡土乃執鄉治之義何正而有  
禮若此耶元輔上聞皇衷嘉允御批江西鷹武李將  
軍之神誠異數也神素以忠節自持其必陰護聖君

啓補克昌後裔庇兆民燿鷹旗之靈以仰贊我聖明  
于無說矣希孟謹次其事呈于元輔伏乞轉聞于上  
表其靈異神幸甚生民  
幸甚希孟不勝幸甚

### 石人廟

在靈山鄉合祀漢胡正祐王及唐劉將軍大真李  
將軍德勝於此明成化間重建 知府談綱有記

靈山信之鎮也山有峯曰石人以形似人三國時胡  
隱君昭隱于此既俸去厥後劉李二神人禱之應若  
響自是廟廊間里罔不德之唐貞元中廟祀峯下逾  
五代入宋靈蹟懋著宣和間賜鷹武額紹興封靈助  
威濟侯劉李封將軍咸淳進公進王是為靈助威濟  
顯惠正佑王歷元我朝稱之日石人靈峯之神稱二  
神如昔春秋祀之著在令典然石不能自神其用藉  
王神之以惠利于國子民顯名天下擬王是峯之神  
祀之可也世或謂石人即王可乎成化庚子耆老以  
峯下祠傾圮告予乃蠲廟租及勸助父老鳩材命王  
圖維厥新父老願記歲月乃書此當書者以破  
疑他不及贅而近世廟之廢毀列諸碑陰云

建置 壇廟

萬壽宮

祀許旌陽一在使際巷後遷河畔一在春浦門外河干乾隆四十八年僧見明募修

天后宮

在城外南街河畔皇華坊康熙四十七年閩莆鄭海生王聖齡等公建雍正十三年王聖齡鄭湜生

朱洲生陳荃等呈請  
咨部春秋祭祀如禮

聖塘江公廟

在縣南永樂鄉四十六都祀宋元帥江顯神本是鄉人幼即奇異年二十四卒遂顯靈焉

遇旱疫禱立應因廟祀之郡守婁思德奏封元帥後  
建行祠于山川壇以便祀事 太守金統記天順戊  
寅夏四月予始視廣信府事是月早郡老相率走告  
于太守曰信僻在東南地不申和歲不旱則澇圖經  
稱土瘠民貧其有以夫然而民之所恃以養者有土  
神焉曰雷霆雨部驅龍黑面都元帥江公者諱顯字  
則靈行第五以宋大觀四年庚寅五月七日生子上  
饒永樂鄉自幼不類長惡女色絕葷茹暑月陰雲護  
蔽而不張蓋居之南有山曰湖古巖有龍池公生二  
十有四是為紹興癸丑之歲道成易肉于池未幾發

祥于閩之浦城有匠求其骨和以香土塑肖其容儼  
然如生于茲三百四十有餘載矣信水旱蠱疫靡不  
禱于神禱輒響答前太守四明姚公具其績以聞賜  
建廟宇春秋有祭封號如故今其廟去郡治百二十  
里而近公以禮往迎之禱必有徵焉予慨然嘆曰周  
禮水旱必索鬼神雲漢詩曰靡神不舉况聖天子錫  
以徽號廟食百世者乎乃遣人迎之至齋祝信宿果  
雨越明年己卯郡再早神先降于山與使偕至寓城  
南之普庵堂凡兩越月雨暘時若農功告畢始歸今  
年庚辰早如昔余致詞遙祝于神五月雨六月又雨  
上饒令王誼礬石為碑率其餘屬鄉老拜于太守之  
庭固請書其事噫雷無形也及雲膚寸而起震驚百  
里者依雲而發以類相感也神無體也叩之而輒應  
者以吾之精神誠一交乎吻合故神依吾之神而感  
應焉所謂有其誠則有其神所謂精明之至也然後  
可以交于神也雖然民之屬望于公者如此國家之  
封食于公者如此神之克麻乎人者如此而其所以  
報乎國家者又如此余何惜一言哉因書此以歸俾

建置 壇廟



刻諸石以大振顯江公之威之德之靈  
且俾凡有禱于公者知以誠敬為本云

江公行祠 舊在城北郡守金鏡改建山川壇南春秋如禮  
順治戊戌邑紳士重修構小巷募僧居守今朽

敗將  
地

西井江公廟 在六十四都山椒都人建之以便祈求也下  
有龍井前為雩壇神司雨捕蝗尤驗故鄉人

多祀  
之

關帝廟 在東門外唐大歷間建歷朝修廢不一順治己丑  
防守康時昇捐貲重修前益以覆檻右益以馬明

王廟制度較麻康熙己酉守道李士楨知府蔡廷補  
加修乾隆四年署府裴玉麟重葺一在南隅一在  
寧坊皇華亭右  
一在城西隅

龍王廟 在東門外關帝廟  
西偏雍正年間建

火神廟 在城隍廟外  
天津橋前

孚惠廟 在城隍廟時建祀晉孝  
子石敬瑭即鳴山廟

雷將軍廟 在西隅禮唐  
雷萬春

南將軍廟 在西隅雙井頭  
祀唐將南霽雲

仁惠廟 在西隅太安坊  
祀東嶽神太子

康王廟 在河  
西畔

按前志有仁惠廟康王殿不列秩祀附識於此

朱文公祠 在南巖寺一滴泉之側成化間知府談綱建且  
敘其事作詩鑄諸碑欲修祀事而未遑也嘉靖

五年同知葉逢陽議立祀 弋陽汪偉記吾信為闕  
之門戶文公游仕四方必道出焉故信之山水最為

建置 壇廟

所賞愛至今深山窮谷雖士人亦罕至而往往有公遺墨然莫可考矣鵞湖以講道特顯懷玉三清又平生所願遊每見於書禮間不一而足南巖去郡治絕溪而南十里許公蓋嘗至焉景泰癸酉郡守四明姚侯堂得寺僧口識公五言詩一律又得公詠一滴泉詩一聯于郡學訓導李學僮姚守謹錄而傳之二詩舊書于法堂之壁壁圯詩逸不存非姚侯之好事則墜地久矣成化庚子後守錫山談侯綱肖公僕于巖門徵修祀事而未遑也嘉靖五年春巡按監察御史奏公亦四明人以瓜代弭節于郡偶借守巡少索張公神憲鍾公雲瑞遊南巖拜文公像賦詩二章以交時往因語署郡事同知葉君逢陽曰像而弗祀非以資充春秋牲醴費有餘以飾祠宇庶事易久素公曰伴議是也葉君遂來請曰文其示後傳勿壞予曰我文公于吾人之功誠

未嘗盡諸公之書而遽疑焉而遽譏焉斯道何由而明哉偉觀諸君子於先哲過化之地顧其泉石草木若召公之棠思封植之得其一字一句若伏生之書思表章之可謂能篤信善學者矣其于風教之助豈小補哉俾所以累嘆息欣怵而不能已也敬書其始末以詒來秦公名鉞字懋功起家進士為御史風裁凜然出按江右務持大體不尚武猛苛察而下益畏蓋挈其要也所至以訪民隱求賢才為急人服其得體葉君名逢陽字子大文公鄉人由進士歷縣令有聲陟廣信同知稱廉敏云萬歷庚子知縣李鴻重修自為記歲久祠廢以遺像附于寺左介僧室中春秋祀之至康熙壬子知府高夢說始即其故址重建自為記畧曰南巖距郡城二十里而近巖深廣可二畝僧徒因巖為屋而居焉巖之右有五級峯級高或可一尋或數尺拾而登則煙巒城郭歷歷如畫咸在目前循巖壁而左行數武有泉一線從石中出其水冰而甘曰一滴泉老樹巨竹參錯交映固郡之勝境也徵國文公遊歷至此愛其巖泉之勝聚生徒講學

建置 壇廟

其中後人因像而祀之祠在泉之前歷年既久祠已盡圯而像則寄于僧寮矣文公講學之地在豫章者白鹿鷺湖最著懷玉則不甚顯而南巖又其微也夫荒陬僻壤間有名賢挺生則其地增重即不然或以遷謫至或偶一經過焉皆足生山川之色江州一詩滕閣一序皆傳之數百年而不廢豈此大賢絃誦之地顧可使之湮沒無聞也耶故公羽翼六經其書已願為功令其祀也列于學宮不因此祀之廢興為輕重而吾乃亟亟焉謀為興建不獨以寓高山景行之思亦聊以張吾信也祠既落成爰書其年月勒之石使後人有所考焉乾隆九年知府

付

世增重建教諭明東陽督治之  
 名疊山書院原在安輯鄉宋謝枋得先生講學所有誅歸門明經堂齋舍門人鄭康仲徐炎  
 田供學費元季燬于兵明景泰中郡守姚堂  
 遷城南上塢嘉寧坊都御史韓雍疏于朝  
 簡屬有司春秋祭享副使韓賜記正德五年  
 守陸徵新之十五年提學僉事郤鏡以

牛君馬君烈君澤于定之暨諸從子及  
 孝少配享左右列祀先生伯父當陽尉徽明公于  
 室嘉靖元年郡守張玘奉提學副使周廣命割佛寺  
 基創中堂翼以兩廡線以周垣臨池為戟門建石坊  
 扁額曰年君守張士錦竣其事改名文節祠學使  
 門廣記宋有天下三百餘年名相儒臣相與扶植紀  
 極講明道要三代以下一再僅見身雖百挫以死而  
 其志終不可奪時則有若文謝二君子者精忠勁節  
 照映史冊至今令人讀之猶有生氣嘉靖元年春廣  
 分巡湖東提學僉事郤思泉謂廣日文謝二公生不  
 同時而同于鄉仕不同位而同于節疊山祠既隘且  
 陋迺大弗克與文山祠稱子蓋圖之以褒崇先賢以  
 風勵來學廣既至信州謁疊山之像而拜焉周視垣  
 宇苔侵于壁蠹篆于室小徑紆潛浮屠障蔽俾行道  
 之人不知有忠賢而但知有釋氏吾道晦育異端昌  
 熾莫甚于此因謀諸太守張玘曰是得非吾儕責耶  
 玘應曰唯太守嗣志爰命知縣周輅主簿張守正董  
 贊其事閏五月廣重謁焉始於舊宇左右各增一楹

建置 壇廟

為夾室而齋舍廳堂儀門外門各如式建石牌坊一座扁曰香山書院蓋撤梵宇而闢為之者工幾就緒猶未完美至今年夏太守張士鑄祀瞻之餘首務惟先凡龕具版甃垣圍黜堊之屬悉舉而飾焉以終之門曰詠歸堂曰明經而井曰蒙泉皆仍原址之舊逮歐命訓導蔡雨徵文于予云少卿李奎詩春風門巷野棠開雨過殘碑鎖綠苔故宅忍看存葛水遺骸誰向金臺國亡莫展回天力身死空懷濟世才景仰篤資賢太守崇祠禹建慰深哀張珏詩就義于今四百春南屏猶薦宋明禮一門冠履真生色千古鬚眉不愧人留得三綱歸婦子自教一死報君臣文山別後誰知己冷月寒烟幾嘆嗔同知侯七乘詩雙手撐天不可支仲連蹈海未為痴舌存莫辨齋時好心在那嫌程死遲祇為人間留正氣何妨江上臥

疊山書院舊在安輯鄉明景泰中遷城南上鄉嘉寧坊易名名狹隘破敗難以倭侑乃移建于紫陽書院

之東南從業志也先生為忠孝兩全人乃考宋史并讀文集其一生進退死生夫豈徒天性然哉蓋亦有

學問存焉建康對策以直言譏大臣近侍除官不赴明年出試致官復中經科除官不赴受辟團練鄉兵

饒信諸大家爭先赴義兵退考試譏時政是先生一得罪于董相國槐再得罪于賈相國似道而謫居興

國矣其跡與朱子之于王韓畧同赦歸鄂黃安慶不守及知信州逆戰數次而信州又不守天禍宋社一

手難支松栢冬青于今共見乃變姓名乃入石山乃賣卜建陽乃教授講學似苟且偷生者之所為若與

文相國取義成仁大異者不讀先生思親詩乎是時太夫人年已九十追捕甚急而夫人李氏死一女二

婢死一伯三弟以戰死太夫人以老疾免由是程文海留夢炎魏天侑相逼起矣強之北行入京拜謝太

后墓及瀛國所在遂絕食死蓋先生淵源于朱子不特忠孝大節經權互出即至一言一行莫不慷慨從

容而烈士通臣不足言矣張子惠送行詩王炎午生祭文乃逆探其意而成之者也王伯安先生詩又有以窺其微矣生爲朱子私淑祠與朱子隣近不亦宜哉祠成記先生始末于碑俾世知文死于前謝死于後之故耳乾隆四十六年知府康基淵建信江書院祀朱信國公文信國公以文節先生配故祠今歸書院中

### 兩賢堂

在城北茶山廣教寺僧建以祀宋曾文清公幾呂文清公本中見韓元吉記後增祀徐梅堃辛稼軒唐陸鴻漸更名五賢祠後又遷府學鄉賢堂諸公并祀之今祠廢祀亦寢韓元吉兩賢記記曰並江而東行當閩浙之交是爲上饒郡靈山連延秀拔森聳與懷玉諸峯相映帶其物產豐美土壤平坦故北來渡江者愛而多寓焉廣教僧舍有城西北三里而近尤爲幽清小溪迴環松竹茂密有全叢生數畝艾老相傳唐陸鴻漸所種也因號茶山來處下菴乳而具泉亦以陸子名紹興中故中書舍人呂公居

于寺公以文章名於時而直道勁節不容于當路請屏居避謗齋志以沒上饒士子稍宗其學問田夫野老能記其曳杖行吟風流韻度也後數年故禮部侍郎文清曾公吉甫復來居之二公非平生交俱以詩鳴江右適相繼寓此而曾公爲最久杜門以詩書教子弟或經時不入州府不問世故好事者閒從公遊談風月爾公亦自號茶山居士將終身焉朝廷更庶政一時端士正人始得進用而呂公前已下世莫不惜而哀之公起爲部刺史遂以道德文章入侍天子蓋退而老于稽山之下而上饒之人稱一時衣冠師友之盛及二公姓字則拳拳不忘寺之僮僕指其庭之竹則曰此文清公所植也山有隙地舊以爲圃指其花卉則曰此文清公所藝也一亭一軒愛而不敢動曰此公所建立或命名也主僧居仁者言少年走諸方侍其師清于草堂清每與其徒誦二公詩語且道其禪學之妙居仁竊聞之以爲非今世之人也不意遊上饒及見二公于此寺今既叨洒掃之職矣俯仰踰三十載冀再見而不可得將虛其室繪二公

之像事以香火而祭其諱曰焉于是榜以兩賢堂而求爲之記夫自播遷以來士大夫違其鄉居類多寄跡浮屠之宇固有厭苦願其速去者矣未有能知其賢既去而見思也在詩有之蔽芾甘棠勿剪勿伐召伯所茇註曰茇之爲言草舍也召伯聽斷于甘棠之下而民之被其德者思其人敬其木不加剪伐云爾今二公之寓室殆亦茇舍之比也然非有聽訟之勞及民之化而人又弗從豈能盡知吾儒之事與夫賢者之詳乃尊敬愛慕不已至夜飾其居以爲二公之思而祠之使二公也得位以行其志則所以致民之思者豈不足侔于召伯哉 黃溥五賢祠記距城西北有茶山峯巒疊秀溪壑逶迤扶輿清淑之氣之所會也祠于其間莫知所始歲成化辛卯適巡按御史桐廬俞君廷臣視事之暇偕叅政李君景春給事中王君謙光出遊此地予適邂逅相攜以行既入寺詣後堂乃見陸東岡呂中書曾文清辛稼軒徐海堃五先生神主詢其故有主無祀不知廢于何時作于何人拜謁之餘不能無感因會議欲復其祀事御史使

君遂爲題其扁且賦一絕見意衆皆相繼題咏既歸謀于郡守蕭陽徐侯文緯曰表賢以勵俗侯之責也其可不圖乎于是徐侯慨然承之一新祠宇置龕以棲神飭主以揭虔立門置垣以致肅春秋以特牲祀雖故典不該亦禮從義起者也按陸先生初未知所生及長以易自筮得蹇之漸曰鴻漸于陸其羽爲儀吉乃以陸爲氏名羽字鴻漸拜太子文學徙太常太祝不就由茗溪遷居信州城北性嗜茶環所居植茶因號茶山山有泉甚乳每自汲煮茶後人亦以陸爲泉名初號東岡子又曰東園先生呂先生名本中字居仁登紹興進士任中書舍人能文章尤工于詩有孟浩然之風嘗作江西詩派圖學者宗之曾先生名逮字吉甫仕爲禮部侍郎左遷上饒縣尉與中書相先後寓茶山亦以詩名江右號茶山居士若將終身焉起爲部刺史卒諡文清辛先生名棄疾字幼安歷城人紹興授承務郎天平軍節度掌書記遂留于南歷秘閣及右文殿修撰僑寓上饒城北號稼軒洪文敏公記之極加推美終兵部侍郎樞密都承旨卒諡

忠敏徐先生名元杰字伯仁上饒人紹定五年進士  
第一官至國子祭酒工部侍郎以直道勁節不容當  
路退居故里慕昌會諸公之風築梅塋于茶山以致  
高山仰止之意是五先生于此或修德勵行或講道  
著書或賦詩見志皆足以扶持世道風勵人心以垂  
休于後世者也祠而祀之雖千載一日可也然天下  
事有興不能無廢廢而復興雖人心之不可泯亦遇  
其人而後能振起之也今五先生祠債之已久一旦  
賴諸君倡舉以興為幸不既多乎嗚呼五先生之神  
在天地間所以赫赫不泯者故不繫于祠之有無然  
後人景仰歆慕不忘非祠則無所用其情况鄉人士  
藉此以旦夕瞻望道德之光又將無私淑自艾致思  
齊之念者乎流風遺澤庶乎與茶山永永增重于天  
地間矣 附前志拾遺沈洪喬未詳里籍按茶山寺  
五賢祠增列屈丞相上應是宋人嘗隱居茶山明部  
守張履正五先生祠記稱沈公誌稱石隱葺居此中  
願志貞素皎皎霞外又曰沈公考槃于此宜列隱逸  
若非信人應列流寓無可考據謹按茶山集補載以

俟嗣舉訓  
列可也

慶豐祠

在西隅狀元坊祀鷹武李將軍先是知府談綱建  
石人行祠于社稷壇北自為記後燬遂奉神主附

于此春  
秋如禮

靈雨祠

在南陽德濟坊谷神觀之右祀鷹武李將軍明嘉  
靖壬寅郡守吳希孟建自為記其地為信美亭故

址

霑漑祠

在溪南灘頭  
祀朱郎中

徽明公祠

在疊山書院左祀謝  
文節公從父今廢

陳汪二賢祠

在府學東祀宋陳  
康伯汪應辰今廢

夏文愍祠

在城西太平坊明嘉靖朝為大學士夏言勅建  
中有瓊恩堂寶澤樓忠禮書院隆慶初勅葬賜

建置 壇廟

諡遂即其第為祠詔有司春秋  
祀之康熙間知府周鏞元重修

胡隱君祠

前郡志拾遺胡昭字孔明漢桓帝時人操履純  
素博學能文與管幼安等齊執魏武帝聘辭不

受居陸潭山中時人稱其有夷皓之節宏農太守何  
植等復薦之公嘆曰一身浮漚人世光景甚促薄榮  
世宦何益也遂東渡江隱於靈山之卜谷山壽八十  
九卒其嗣東陽侯立祠於峯下祀之鄉有水旱寇疫  
祈禱輒應自吳歷宋咸亨間進封為  
正佑王即劉太真所禱胡隱君祠也

二徐公祠

在東門外為明徐樾徐貞明建 吉水鄒元標  
有記蓋信州貴溪有兩徐公其一為漢左轄死

事贈光祿卿徐公樾其一為前給事中尙寶少卿兼  
監察御史徐公貞明此二公皆人傑也光祿公少即  
樞趙新建歸依秦州而學大明仕而學大行官左轄  
觀王會鑑之不臣也身先請纓冒鋒鏑死無尸裹革  
有魂歸葬遐方人士至今悲之少卿公幼稟水部家  
學為循良各令官給事以護忠諫諱訛起憂東南民

力漕輓之困西北水利當興崩賦畿內者數年而  
未竟飲恨卒視民饑溺盡瘁而終海內人士至今悲  
之元標嘗待罪黔州一日黔州上進光祿閣講時問  
烏鳴問諸生聞否諸生曰聞既烏聲息又問諸生曰  
不聞光祿曰若是是以境聞不聞也元標惻然有  
省如作 丈既接少宗伯孫文恭乃公所造士口公  
教不忘而符卿在都門時元標得接銅梁張太保張  
自塞上人掌大司馬曰孺東聖賢中品子曰何日子  
親其曉夕櫛風沐雨崎嶇泥濘榛莽中者手不停指  
揮口不停畫諾而露處招提古廟饑餓者為常予每  
一見之輒心折淚下二公元標得之聞且見如此先  
是侍御安節吳公還朝請諡光祿公而元標謂符卿  
意欲為國家開粒食之原其功未成其志可念宜褒  
恤光祿諡不報符卿贈得旨而未行元標嘗念及信  
輒以世無有心人二公淹淹泉石矣天啓我邦丹  
陽姜公以泰知來署督學政顯微彰幽下令郡邑曰  
吾聞死勤事者祀勞定國者祀兩徐公一為封疆死  
一為國計死又皆皦然不淄即不死宦績表表寰宇

建 壇廟



紀在人常奈何以桑梓斬此明禮報典非所以彰忠  
 節闕末範乃捐家囊中金為倡郡守署常公覺署邑  
 上公文竣各捐金佐其成祠成命教官吳汝霖請鄒  
 君為記鄒子曰公斯舉也蓋備救世之善物焉當光  
 祿誓欲滅賊時有守土臣利賤賂洩軍機于璽有備  
 而光祿公遂物符卿公聞傳御史下獄徒步護御史  
 已偵者至問主名諸人鳥獸散獨徐公曰聖朝無殺  
 言臣禮上問諸人以徐貞明對人臣職在封疆則死  
 封疆志在經綸則死經綸二公誠得死所矣回首受  
 賂烏獸散安在哉且光祿公不聞師傳符卿公克承  
 家學是可以作孝可以勸忠可以媿貪鄙也凡過二  
 公祠者可以興矣或謂光祿沉幾深謀不當輕身挑  
 敵符卿議論鑿鑿施行未竟不知使六詔雄藩至今  
 奸宄潛消光祿一死之力今畿輔粒食如東南恨無  
 有人繼徐公志者誰之賜哉故翩翩鴻鵠暗于燕雀  
 蹇蹇王臣知於宵人從古然矣非我泰知其誰開萬  
 古之眸而揚吾道之軌宗獻泰知功在斯文者不可  
 世計矣是役也落成歲申之秋時則郡守張公履王

邑令許公令典寔肇稱焉迎送神二曲俾歌以祀  
 迎神月有光兮鳳有翔坎坎擊鼓辰之良威武不屈  
 楚臣鄉時不我與心孔傷下與濁世掃機槍為國深  
 憂計且長奠桂帽兮樹椒漿以迎神神稅駕雲為車  
 兮風為馬靈刻刻兮其雙下送神息壘壘兮靈鳴  
 嘒公尸來兮燕有既載德音兮何秩秩風鏘鏘兮鳴  
 鞞鞞赤心出禹貫天日用告虔兮禴惟祭金奏瑯瑯  
 禮已備歌以送神神既崇永流洪慶出無踪唯所駕  
 兮駿  
 雲龍

坊表

狀元坊 為大學士費 會元坊 為大宗伯汪 解元坊 為都憲汪潮立

今雙進士坊 為知府蔣深行 豸史坊 為寺丞汪 司諫坊 為

事王世臣坊 為知府李應庚李直 騰蛟坊 在府學前進起

讓立 僉事李祚立 燬于火 坊表 建置

鳳坊

在府學前鄉舉題名今毀

進士坊

為方伯妻謙立今毀

大方伯坊

為婁謙立今毀世

科坊

為蔣欽蔣濬蔣蕃立今毀

俊章坊

在羊石里為成化丙午舉人蔡旭立

恩榮坊

在忠禮書

院前左為大學士夏言立

世科坊

在羊石里為成化丙午舉人蔡旭宏治乙丑進士蔡鶴嘉靖辛丑進士葉

鐘嘉靖癸卯舉人蔡鈞萬歷癸卯舉人蔡熙知縣葉鐵葉濟英同知蔡熙堂祖父子孫立

殊錫坊

在忠禮書

院前右為大學士夏言立

絲綸特名坊

在忠禮書院後左為大學士夏言立

明興俊父坊

縣學前題名今毀

衮繡畫榮坊

在忠禮書院後右為大學士夏言立

清朝舊學坊

為大學士鄭以偉立今毀

貞節坊

在東隅為官生楊德潤妻徐氏立

貞節

坊

在西隅阜民坊為馬姓節婦舒氏立今毀

貞烈坊

在德溪二都為張廷鍾妻王氏立

人瑞坊

在南隅下郭為楊伯瑛楊伯琮兄弟百歲立今毀

節婦坊

一在永樂鄉為王綏妻毛氏立一在太定坊官

倉珩為徐日哲妻葉氏立

恩榮貞節坊

在石橋鄉為周璉妻葉氏立

貞節坊

在西隅更樓底下為汪曠妻鄭氏立

婦坊

一在沙溪為余珪妻尤氏立一在縣城隍廟前為紀其年妻管氏立一在縣東十里為舒國鈞妻徐氏立

古蹟

周瑜故宅

在縣治後舊半為察院分司今改為鐘樓天寧寺半為縣學基御史桂榮松華東野詩序云府

城中東北隅有萬松墩隆阜高圓土膏沃衍前左介兩學間舊傳為周瑜故宅周方少年與孫長沙結為兄弟娶喬公女時稱周郎孫郎二子弱冠名冠江東以意氣功名相許牡丹亭寸金橋錯時宅後不可以想見其風流哉又云孫吳赤壁之役召

周瑜自鄱陽而信則其屬地云通志

陸鴻漸宅

在府城西北唐陸羽嘗居此號東岡子刺史姚驥嘗詣其所居鑿沼為溟渤之狀積石為嵩華

建置古蹟

二卷系志

卷三

建置

古蹟

陸

之形後隱士沈洪喬葺而居之 圖經羽性嗜茶環  
 居有茶園數畝陸羽泉一勺今為茶山寺 皇甫會  
 詩千峯待逋客香茗復叢生採摘知新處烟霞羨獨  
 行幽期山寺遠野飯石泉清寂寂燃燈夜相思磬一  
 聲 孟郊詩驚彼武陵狀移歸此岩邊開亭擬貯雲  
 鑿石先得泉嘯竹引清吹吟花成新篇通知高潔情  
 擺落區

故縣基

在城西北天津橋之原元末  
 兵燬今為社稷壇 前府志

洗墨池

在郡城南祥符寺相傳昔有道人洗硯于此其水  
 常黑遂名郡守王翰詩靜觀魚躍波文徽彷彿松

烟在硯池

前府志

上饒亭

唐張祐有詩溪亭拂一琴促軫坐披襟夜月水南  
 寺秋風城外砧早霜紅葉靜新雨碧潭深唯是壺

中物憂來且  
 自相 通志

北樓

唐李郢有夏日登  
 信州北樓詩通志

蒼筤亭

龍圖學士韓元吉自穎川徙居上饒宅前有  
 澗水故號南澗澗南有園築亭號蒼筤 通志

跨鶴臺

故址在城南祥符寺側其地高爽州境一望可徧  
 陳克齋詩 臺據高峯最上頭登臨人世一浮漚

塵鷺到此都忘盡直  
 欲乘風跨鶴遊通志

南池

舊志在城南相傳為州學之泮池廣一里許有菱蓮  
 可愛起居舍人王洋曾逮通判趙不愷趙善扛嘗築

以居有古亭新亭荷池南峯半僧  
 寮水村諸號品題甚富前府志

面山堂

在上饒治內宋時建晁謙之詩日誰榜鈴齋作面  
 山晦明終日捲簾看賦成夜燭纔銷寸衙退朝曦

未半竿  
 通志

狀元亭

在城西烏龜山嘉靖壬寅少師夏言知府吳希孟  
 建為饒送鄉試之地聯日識語春濤打龜背臚傳

建置 古蹟

曉日占鰲頭又桂近菴聯曰萬里桂秋飛玉兔一川  
桃浪起金龍後郡守林光祖別建山堂于麓而移其  
亭于內山之右同知廖文光改山名爲五桂而鐫三  
大字于水滸萬歷間知縣王炳璿扁其堂曰叢桂分  
守湖東道尚德恒建石坊于水口扁曰  
聚奎文龍尊爲風什亭廢址存前府志

### 思默堂

宋徐元杰夢神人繫二黑犬過堂下初未知何祥  
是歲登第文有默思默通云者主司以爲神語乃  
悟默字爲黑犬也元時其孫子  
奇建堂以志之韓性有記通志

### 天恩堂

在古梁周村周氏祖居也相傳宋帝避元兵問道  
入閩寓是堂因命書天恩堂三字御記其事今堂  
尚存 吳康齋記余嘗題上饒周村周文氏之世譜  
先籍薦羅兵燹無所遺當宋時莫詳何代有堂各  
天恩御爲記亦復不存景泰丙子仲冬予入閩迂道  
上饒訪文郡庠明日同造周村其族祖茂畿率諸  
弟冒雨遠迓森然舊家文彩可愛也擁爐夜話談  
大書天恩復以顏其新構之堂焉不忘乎君親禮

公周子之名溪焉元公之家廬道雖脩阻而舊號乃  
著于所寓則故園池臺與夫松楸桑梓豈不彷彿乎  
朝夕而少慰戀本之誠哉周文氏去全盛時雖以  
闕齋幸傳聞故事得以名堂今日則夫先君典型警  
欵庶幾如在慨慕之餘又以起孝子慈孫之仰于無  
窮因徵以至著推舊以爲新其聞元公之風而作耶  
前府志

### 橫碧軒

曾文清所居在孔雀院今廢魯起元詩云嵐  
光懸座蒼翠濕寺影拂波金碧寒前府志

### 友直軒

在溪南太霞宮諫議大夫尹穡所居曾文清爲之  
名而賦詩云友誼喪來久琢磨復誰能金鈞被采  
絲絕棄朱絲繩直哉小稷甫一室清于水危坐對書  
帙曲几非所凭日暮無人來疎籬上寒籐惟有手種  
竹挺然得其朋風低與雪重搶他如弗勝正使可斷  
折天姿諒難凌物或亂真贗君其別淄澠攘羊而證  
父是子烏足稱所以貴溫潤不令見  
觚稜要我細商畧此言有師承通志

建置 百蹟

尚論軒 周氏寓居之所 今廢前府志

翠微樓 在縣治南宋慶元間知州 趙伯瓚所建今廢前府志

迎賓樓 在城南明天順間知府金銑同知蔣益建宏治入 年郡守王瑋改爲皇華亭歲久亭廢 王慎中詩

誰識悠悠意寒流對寂寥間禽遵水曲過棹入風謠 細雨青山映繁霜赤岸湖門前往來路坐使歲時銷 前府志

善人齋 昔徐觀道乞歸陞辭帝稱之曰 善人因以名其齋今廢前府志

至樂齋 宋周舜元寓居之所 呂居仁詩曰人生各有樂 所樂固不同吹竽與噐缶同在可樂中孰能識至

樂不計窮與通顏子在陋巷肯憂家屢空朝聖師 遊暮歸無近功忽然若有合此樂固無窮當時二三 子因之開蔽蒙君生百世下久已聞其風端居有 想客至聊從容四壁倚蓬蒿萬卷蟠心胸

求失道迷西東此樂既 不遠欲往吾共從通志

山齋 在治東初置州時已有宋淳熙間 通判鄱陽洪粹重葺今廢前府志

信美亭 在府城南成化間建尋廢以其地建靈雨祠今亦 毀址存 郡守談綱記此地江山信美郡所由名

也成化丙午秋黃門陳玉汝奉命使廣適予敘契關 于驛樓酒酣熱甚登此而風焉相與眺望郡中山川 盡在日睫彼其靈鎮嵯峨聳七十二峯于天表諸山 環拱若干若矛若旗鼓車馬屏帳之衛從而白雲紅 樹掩映其間又若畫圖之揭碧落山信美也靈溪葛 溪諸水會合爲江匝郡而流紆若帶環瑩若水皎而 山光樹色之涵照風帆沙鳥之飛揚若在鏡中景象 千萬水信美也城郭巍峩于山間水崖樓閣參差于 竹林花塢後田登稼者肩相摩南屏歸市者踵相接 衣冠雲擁絃歌風動城郭風俗皆信美也黃門曰美 哉信乎予曰不止是也自此而南爲鸞湖東爲懷玉 西爲象山散而爲龍虎葛仙龜峯南岩諸岩皆招山 建置 古蹟

致賢獻異呈妍而勝水靈泉在在有焉山水之美如此是以鍾而為人則汪文定謝文節之道學陳文正施正憲之相業張文忠鄭威愍劉之道辛稼軒之忠節文章炳耀于前而瑰奇碩大之士續續焉出又未可量也謂信為不美可乎黃門曰信乎美哉驛宜有亭于此建焉目以信美使吾輩之往來者因各勝覽以紓旅懷不亦可乎予曰唯黃門既去復以詩來促之予遂雜荒購良命工造焉亭成予借寮同府王宗信通判王景莊推府仇元美輩登焉咸曰信美也可樂也予曰若知可樂而亦知其可懼乎夫此美非吾與若所有也明天子受之于天而寄之于吾與若使得而守之以與吾民也故必吾與若惟日慄慄體君心宜君化輔成太和天地位而萬物育然後可以保此美而吾民樂民樂而後吾君之憂舒而後過客得假此一樂而後吾與若得以偷樂其間使吾與若不知所懼擅其美縱其樂怠其政人事乖天譴至有若前日之警與旱則美不美而變而為惡矣樂乎否乎然則懼也者美之所由保樂之所由基也欲樂其美

可不知所懼哉前府志

含輝閣

在城外溪南谷神山萬歷乙亥郡守姚體信建今廢前府志

白鷗園

在城西泰安坊嘉靖癸卯大學士夏言建臺榭竹木甚盛中有賜開堂望宸樓環翠亭水雲軒明

榭濯纓處碧漪亭今皆廢前府志

集勝園

在城西太平坊天津橋畔光祿署丞吳萊建知縣王炳璿題扁今廢前府志

樂歲樓

在溪南谷神山靈雨祠側嘉靖間郡守吳希孟禱雨有應因建樓作詩記其事今廢前府志

德生亭

在城南景德寺門外祝聖畢于此放生因名宋淳祐間知府章鑄重建今廢前府志

仁智亭

在城南門外面溪背城左右有亭曰仁智今廢王寧有記前府志

松風亭

在城西北廣教寺會文清建今廢前府志

建置古蹟

砥柱亭

在沙溪 大學士費宏詩中流孤嶼湧雲根山著危亭勢更尊吹斷海風非蜃市鑿開河岸起龍門

名高砥柱新題扁釣喜苔磯舊有痕地王多情于我厚吟詩還擬到江村

玉溪館

即和義館淳祐六年知州事章鑄重修址在城信美坊今廢前府志

東館西館

故址在城門外乃仁智二亭舊基後知州錢象祖扁東館為明暉閣孟猷扁西館為橫碧軒今廢前府志

廢前府志

回車館

故址在城內又名饒陽驛前府志

快哉樓

在周村 吳與弼題壁詩日縱步南來樂勝遊王賓歛洽去還留一層更上怡情久醉後高歌月下樓

石山書舍

在縣西泰定坊明石山公方崙講學處也邑人少卿鄭邦福為賦石山十景前府志

南臺

宋郡守忠定趙公所立故址在祥符寺今廢陳克齋有詩前府志

觀泉亭

在茶山寺 大學士何吾騶記余生平有泉癖其於陸羽茶經不啻楞嚴金剛也羽嘗徧遊天下以盡名山大川水味乃歸老信州攝息茶山中鑿井得泉欣然遇之以為天下莫及也自羽至今世代幾更烟鎖霧落而水依然澄如初乾不絕非獨井也靈山茶芽其製法佳者如芝草綠苔一種香素大非世俗佞好可比皆羽千百年來精氣呵陳而茶因之郡人做效日引月新余歸舟道經郡治關高二使君邀余于觀泉亭竟夕所酌皆諸方名釀乃不覺所進茗香浮其上余以是知斯泉之有神也使君為具盃汲沐老子白鬚根根可數噫余將歸隱香山安得領一派泉脈以去飯蔬沒齒永與鴻漸先生作老友也邇乃環井為亭堂宇聿新適僧圖形俎豆其上使公日享茲泉之奉余瞻仰之下寺僧屢進茗椀醉逾中山見余四顧眷戀知有屬也因乞余言以垂不朽余未之許質明放舟西下三日及安仁寺僧先道申請如初爰

澆墨書數語不識入山方深  
之人可從此中一作緣否

劉氏義門

在安輯鄉葛源延祐間編修劉光分田以贖書院折財以周族里朝廷義之旌其門前府志

四望亭

韓魏公有寄廣信軍四望亭詩曰西北雲高拂女是舊疆古道入秋漫黍稷遠坡乘晚下牛羊凭欄多少無言恨不在歸鴻送夕陽又云有兄韓瑤者為廣信通判故有此寄此亭今失其處前府志

稼軒

宋洪景廬記國家行在武林廣信密邇畿輔東舟西車蠶午旁出處勢便近士大夫樂寄焉環城中外買宅且百數基局不能寬亦曰避燥濕寒暑而已郡治之北可里許故有曠土存三面傅城前枕澄湖如寶帶其縱千有二百三十尺其衡八百有三十尺截然砥平可廬以居則稼軒在信郡之北矣又云東岡西阜北壘南麓以青徑款竹屏錦路行海棠集山行樓婆娑有堂信步有亭滌研有清皆約畧位置規序

月緒成此皆蕪沒一統志迺云在鉅山縣南二里抑另有考乎前府志

徐梅堃宅

在永樂鄉周村夏東岩鳴雞峯有詩前府志

窩屋

故址在城宋吏部侍郎鄭望之所居龍溪江內翰記今廢前府志

菊庄

本邑鄭氏所居揭傒斯詩上饒多隱者鄭氏善為方移居倪陽里種菊今成在通志增入

竹院

在城南一里宋淳熙間宏文閣直學士晁謙之所居今廢前府志

鐘樓

在縣治後夫寧寺前攷鐘識為偽吳順義三年信州刺史周本鑄原計重二千四百餘觔至宋建炎元年十一月會首劉龍輩重鑄增至一萬餘觔古天寧寺物也寺廢卽址建樓懸之康熙二十二年樓圯鐘墜入地尺許康熙五十一年郡守周錞元重建鐘樓鐘復在懸命僧鳴之以警晨昏自為碑記孔武仲銘曰元豐五年十一月十三日信州祥符院大鐘成用銅三百鈞有奇其高九尺有五寸厚四寸廣六尺有

建置古蹟



三寸王者僧曉儒鑄者諸杭張孝基越二十三日冬  
至擊之其聲輝煌震動城郭既浹旬觀者不休退則  
嘆息作生善意于是州將號畧楊亞甫為之銘而其  
屬魯國孔武仲又銘于石以相之曰上下無疆旁賢  
八垠有告必聞大聲以振叩之則應不用則默既以  
時動亦以時息乾隆三十一年移建西門外三官殿  
後三十三年知府王廷欽復  
建于城內之東門前府志

六經圖碑 在縣學明倫堂宋朱考亭書計六石陰陽  
其刻計楊十二幅宋州守盧天祥刻通志

忠孝廉節碑 考亭書字體方正書法道勁計四石後有晦  
翁書款識在縣學明倫堂扁明倫堂三字亦

晦翁書歲久摹  
刻失真前府志

寶澤樓 在城西太平坊明嘉靖甲午為大學士夏  
言劫建其下為忠禮書院即今大工廠

忠禮書院 載九元詩并序世宗為故學士夏文愍公建堂  
名瑞思曰寶澤碑勒宸翰數十年中有外知

社儀及答文愍農桑疏詔伏讀有感丞相廟堂  
州衣冠遺像肅清修九重雨露瑞思第千載如  
澤樓郊廟大謨同日麗農桑溫諭自天  
酌可憐魚水君臣際中道風波不自由

青松白雲洞 鄰望之弟吏部侍郎查之弟溪南  
故址在今山川壘王右史有詩前府志

溪山堂 宋南豐曾黃州游歷之地故址在府城外前山  
之巔而直靈山下臨水溪故名今廢前府志

隣幾堂 在信義坊舊司法屬宋江鄰幾為詞  
法時所建教授林至有記今廢通志

會心堂 舊名百花庄在府城西門外宋章  
良用為郡時所建今廢前府志

西清桂 上饒尉曾逮手植桂于廳後人懷其德名之曰  
西清桂有松風亭橫碧軒縉紳多為題咏通志

望靈山堂 在城關一里  
宋韓元吉建

清樾軒 在縣北廣教寺宋會文清幾所居 會遠詩開軒  
在獨園繞屋得清樾不知何年樹殆為今日設恣

建置 古蹟

屏落林影時復亂風月喧聲了不聞幽弄極可悅玉  
溪僧所慮無似許明潔頗疑三昧手斷取從三浙禪  
房花木深此語信佳絕何以  
樂其成爐烹薦茗雪通志

**表忠閣** 在府城外溪南謝疊山祠前  
萬歷知府孫從龍建通志

**大忠臺** 在城外溪南謝文神祠後臺據山巔登眺則  
邑境可通萬歷間郡守孫從龍建今廢通志

**一杯亭** 在府城東南左宋趙汝愚為郡未逾年政成惠  
澤其德故名曰一杯亭取且盡生前一杯酒何須身  
後千秋名也

易名印山亭仍舊天啓間郡守姚體信以山形如印  
於左崇正間知縣董時選復建一杯亭于右故久但  
廢滯存亭石亭至順治初泰將康時昇重建康  
甲寅之歲復無存至十九年郡守曹鼎望上饒令馬  
名以捐修郡守孫世昌重加丹雘四十九年郡守朱  
繼熊復葺今地 宋繼熊詔宋乾道中趙思定公

信未逾年政和民洽郡人德之建祠水南山麓以  
以祀公公止之不可祠成將涓日公鵬客其處  
曰且盡生前一杯酒何須身後千秋名也  
所由來也而公不沽名之意已見于此矣乙酉春余  
來守是邦周覽風物見城郭傾頽哀鴻遍野流亡未  
復田上荒蕪官舍費官鞠為茂草一切名賢勝跡無  
復存者蓋地之殘于兵燹者久矣為之愀然涕下爰  
是重建學宮廨宇城垣以次脩葺招亡關土勸課士  
農敷載之間心力交瘁向之號稱凋殘者始蔚然漸  
有起色私心稍竊自慰復念古今之蒞是邦者指不  
勝屈而德望如公彪炳星日孤亭遺愛竟為風雨  
搖非所以表先賢詔來許也爰以己丑農隙協商  
宋某俸庀材經營舊址重建堂廡上下計一十九間  
繚以周垣砌以層級共費銀二百二十八兩有奇組  
豆鼓鐘聿新輪奐聞僂見之下堪堪來游來歌矣  
夫公殫心于政何有于酒無意于名何有于亭然而  
地以人傳典型斯在亦令後之人有所矜式而已余  
生長邊陲一行作吏視公之才德何啻雪泥而繼公

建置 古蹟

亦來此觀心切景行凡有興舉惟盡職所當爲將來  
之名非余所敢計也亭經始于己丑仲秋落成于庚  
寅孟夏是爲記 鄭日奎譙集記一杯亭在郡治溪  
南居山之半宋趙忠定公守郡時所建也洵歷兵燹  
獨巖然如魯靈光異矣丙午夏初予入郡翁子凱臣  
招予飲此于時宿雨乍晴風物靜好林光如冰濕翠  
欲流拾級而登疑在山陰道中亭倚山而矚人居左  
右多古木蒼分綠合影互參差而炊煙復上與山嵐  
相接樹有隙輒縫之矣靈山遙對峯歷歷可數乃日  
光摩盪山色混爲異色澆澆萬狀不能諦視四山景  
纏奇態各呈覺秀色時時來撲人衣襟下邳城郭處  
舍錯峙烟樹中江流繞之隱見出沒歷落如畫城之  
西一樓危立故少師夏文愍公舊業也繁華已矣此  
蹟僅存輒爲喟然自感而傷相國功名之不終還顧  
山阿則蓋山先生祠堂在焉堂亦稍圯矣然先生大  
節精忠直與河嶽同傲豈藉此爲存亡哉頃之賓朋  
悉集列坐亭中殺核說陳觴解斯舉飛花入座山鳥  
下窺把酒臨風奇情滿目客有持酒戒者予笑曰嗚

嗟老子忍斷杯中物耶且念此亭命名之意云何  
爲歌魏武短歌行一章郡屬和之彷彿四座風生溪  
山變色而客亦不覺連浮數大白嗟乎風景不異世  
態紛紜未免有情誰能堪此趙公却身後之名與魏  
武念忘憂之物宜其同出一轍于是洗盞更酌此獻  
彼酬興致雲酣談鋒鏗立或探元旨于秘閣則玉塵  
頻揮或扞雄畧于壯懷斯唾壺欲碎奔走海嶽縱橫  
古今語不瓊常見皆各出僮僕亦欣駭樂聽左右給  
事靡有倦容客以是竟醉起視四山暮色羣來分手  
告別而月滿前溪矣時至人爲翁凱臣客則王子炳  
若鄧子衛玉丙兄汪吉兆家仲秀子暨余六人集之  
明日次公鄭子記之通志 黃幹詩上上一杯亭春  
風何浩浩今朝柳色新昨日梅花稿匆匆歲序徂人  
生容易老遊子惜春暉王孫怨芳草芳草年年綠紅  
顏不重好一杯復一杯聊以寬懷抱

冰山雪洞

即故集勝園遺址中有洞壑池梁多奇石不類  
地產應自遠方輦致者今無主守日就傾廢石

建置 古蹟

往往為有力者昇去視其大  
槩猶可想見風景云前府志

百花莊

宋太守張良朋在上饒縣城外南山嶺面直靈  
山有溪山堂曾南豐所嘗游歷地也 通志增

靈山亭

在祥符寺 晁謙之詩寶刹千尋出天外靈山三  
面落樽前 徐師川詩遊客乍驚人外境居僧初

識而前山  
通志增

童家嶺亭

在縣治北三十里傳為府龍脊脉郡人建亭于  
此為行人休息地 鉛山孝廉劉紹汜記古有

亭有舍以待賓旅非供人游玩地也至學士文人歌  
咏其間如靈運之孤嶼襄陽之孟亭子美之滄浪和  
靖之放鶴往往令人往復流連而不忍去而名亭傾  
蓋又過化存神之地矣然可以游覽可以憩息則一  
也郡城北三十里童家嶺方之峩眉羅浮庾嶺馬蕩  
黃山拳石耳巖非巉岩巒非積翠走不折枝行不枉  
杖視攀藤捫葛者異矣而山之起伏路之紆迴誠不  
易度况風雨霜雪之朝夕哉舊固有亭年久已傾

人士歛貲而蓋造之亭于是復翼然矣出是塗者南  
走閩粵北通江淮停止其間或談嶺嶂或稱甌粵則  
客兒者舊之風致才翁處士之孤高必且身聞而目  
見之而行者任勞者安可暫息力于茲是亦存心愛  
物于人有濟之一  
端也惡可不記

永思亭

在安輯鄉靈山水晶嶺署  
丞王道建御史桂榮記

去思亭

在東門城內為知府沈陽立 楊時喬記是碑也  
去思碑也郡士民為太守沈見心作也時則既去

而沒後也先是信州早寇相仍衝疲特甚鈞軸台省  
諸公念之為求良守覘得公司理南康武守撫州才  
行最優嘉靖丙寅特請上命而來至是嚴門鑰平物  
價之在自署者懲舞文杜需索之在胥役者戒浸擾  
斥苞苴之在屬幕者既乃察弊于里役之浮派濫用  
者革糧役之常例節儀者革徭役之剩編倍征者革  
既乃視訟于公聽允息解忿平獄構奸怙惡明抵摘  
伏以應有之法暇則校文評行于諸生俾弗惑乎偽

儒虛說有訟呈順其事理以應罔徇亦罔作意威臨  
之數月法令一整境內漸治乃益持虛勵精將求古  
循良之域登焉適予爲部使者便過里公謂之曰信  
稱民淳事簡淳故官易失德于賄簡故官常養望于  
逸守去令近去民亦近惟廉勤尙寔率令安民安得  
藉言淳簡一切置永弊不講今有類茲者幸無忘桑  
梓而悅指示卽圖所以報而顧常次第具舉舉具當  
矣明年聖天子登寶極頒恩詔于天下旣奉宣于民  
仍檄下吏無得因法爲奸境內大治是冬以覲行台  
院奉詔旨薦卓異人相擬遷轉在且夕旣予以請告  
歸山間間持鄉中事問于二三父老父老輒以官中  
事對備言邇數歲者追呼不下鄉里胥不到門訟競  
罔滯時吾得不違矢力業而晏然安無事者太守所  
遺也願其久任于此而踰夏果再來撫院方以條編  
法下郡議條編者凡差一條編銀在官募役官免別  
科民得不偏累法之畫一兩便者也信當東南衝郭  
較他府異凡有事于官者前時執官帖入鄉借取積  
久成肥梗甚公度知情難處始也簿查往去數創置

繁簡時以給乃羣聚于庭溫諭以公私不虧之故役  
者心計議嘗不能欺舉聽命焉差有爲害叢利在變  
通者則去館夫以廚人代去斗級以吏給銀募人代  
去驛馬以糧編銀買馬代差均而民便上之院道各  
報如擬則自擬俟嘗試妥否徐圖增益以求終不弊  
而病作矣鑿家者以病自勞致勞須逸攝爲請猶窮  
日夜力較籌寔徵冊示若將一簣逸豫廢宦績風成  
者逮病漸移亟謝郡符移檄去上下慰留不得抵家  
考終焉郡人士悼思不已乃具牘乞祀於名宦又樹  
碑存遺思諸士大夫謂宜詳紀其政予念于公往僅  
一晤昨歸杜謝卽不敢候問上官公每以是深亮且  
自信謂人曰人之知我心其惟揚子今公不可作矣  
所謂心知者公蓄積諳練久資性才識敏裕臨事不  
拘執意見持法公平不以自喜怒爲輕重御史嚴凜  
然絲髮不能犯而操守又堅定故能有是成就其以  
實政感人者然與持是告之史者當承各不疑公名  
陽字子復見心其號直隸上海籍嘉定人嘉靖庚戌  
進士令閩沙縣又爲御史按燕蜀外調至今官隆慶

三年己巳閏六月  
朔後五日書前志

邱墓

叅知政事余堯弼墓 在永樂鄉元溪里之原通志

向子騫墓 在河山文簡之孫靖康死難贈以官汪喬年志通志

祭酒徐元杰墓 在吉陽山東斗門之原通志

韓元吉墓 在府治城東通志

陳文蔚墓 在來蘇鄉五十八都通志

王時敏墓 在五十六都湖潭鄉朱文公會哭之以詩見本傳

西軒居士墓 在石橋鄉湯家塘 陳文蔚誌銘上饒游氏大觀間有諱覺民者以八行舉積階至員外

郎自是族望表表吾郡儒風文氣醜醜沉淪薰澤不替至今八行弟表民以優老恩補保義郎生某某生夫 夫生二子次日元英字俊卿即西軒居士也居士幼孤少長刻意肄舉子業遊鄉校錚錚然衆人中時為郡文學者各有場屋聲別識士類特相器重月書屢冠倫魁一時輩行莫不歸敬且期以遠到居士亦自謂取科第當如摘領髭耳及三歲大比輒不利累應詔但為國子待補生因嘆曰命矣夫遂浩然賦歸耕延師課子弟業期以刷恥戊午貢籍有名勉者即其子掇儒科齒仕版行發軔矣惜其有風木之悲也居士警悟機敏勁挺不阿狗才寔有用自坎墮于時無以自見姑即其家而經理之居無何荒者治湮者通缺者備觸事皆有端緒俾得一階自試豈為不能辨者亨塞既有命矣于是自適其適蒔花植竹飲酒賦詩臺 月波園繞綠水遇佳天氣勝時日與賓友相羊其間無復身世之憂一日忽嬰微疾即命二子前昇付家事且屬以言令各務整飭有起無廢二子咸應曰唯則益自放曠不以纖芥累其心如建置 邱墓

者又三載疾再作而卒寔開禧改元歲乙丑三月二十三日也屬續之際獨惓惓于八十四歲之母視二子知可托則瞑目矣享年六十有二娶周氏柔淑有婦道二子曰勤日勉孫男三人珪璋方就師學玠尚幼孫女三人皆在室子與居士為文墨交相知甚深饑寒驅于奔走無寧歲別去之日久而一會莫遂屢辱要約書余亦將登堂拜母夫人不謂天奪居士之速也於戲痛哉越再時子始得哭其柩二子泣拜杖而起則告日將以二年正月丁酉葬于本縣石橋鄉邱原之湯家塘知吾父者莫若子請銘幽宮子不得而辭銘曰視其已為未為者可知其母垂白非子終身之悲惟後人是依故死生亦無疑

陳靜明墓

在瑜山 李存誌銘甚哉學之不明也淳熙間陸文安公出大發古聖賢之旨時流繼覺甚盛

而近世溺于訓詁詞章科目雜藝尤甚無肯明其道者上饒靜明陳先生幼業儒不隨世逐逐既得陸氏書讀之喜口此豈不足以致吾知耶又豈不足以力吾行耶而他求也于是盡求其書及其門人如楊

仲傅子淵袁廣微錢子是陳和仲周可象所著五論語等書讀之益喜或病其違世所尚先生曰理則然耳甚者譏之非之明排之又甚者求欲中之先生死不悔由是人始知陸氏學至順庚午十二月既望以疾卒得年七十有五先生諱苑字立大號靜明祖元慶父一震配鄭氏子男一日善女三壻周良弼段新項謙孫男三日穎東辰辰為從子開先後明年二月丁酉殯邑東郭又明年九月己酉葬瑜山先生剛方正大子人情物理靡不通練強禦無所畏好惡無所逃浮沉里巷之間而毅然以倡明古道為己任患難困苦終拳拳于學術異同之辨無十金之產一命之貴而有憂天下後世之心嗚呼若先生者非所謂毅然之君子也歟其論著其言行其啓迪學者之方門人祝蕃述之備已存雖不敏亦受業于先生之門謹據其人者誌諸墓銘日學久荒

余正叔墓

在裴原 陳文蔚碣銘山傅商弼一日來訪文蔚盛然而言曰正叔余先生子師也沒幾三十

建置 邱墓

年嗣人湮微不能發其先德使有善弗彰吾子合爲論著予將以礪諸石使來者有考焉文蔚聞其言而悲曰正叔余同門友也知其平生甚悉顧力未足以振之幸吾子欲發其有餘既死文蔚雖不文敢辭因敘次如左正叔諱大雅余其姓也世居上饒曾祖大約祖安節父思承皆應舉爲儒而未有顯者正叔自肄舉子業已見許于鄉之儒先未幾預薦送然志不在是聞胸翁朱先生講道閩中毅然登門窮鄉晚出外科舉未省他有所謂學正叔獨倡而先之豈孟子所謂豪傑之士也與弟大猷從其所師相繼而往文蔚亦因正叔拜先生于紫陽書堂正叔志道懇惻問難叩擊壘壘不倦揆諸心一毫有未得雖往返十數不置期于釋然而後已先生嘉其勤竭兩端以告嘗曰書論敬義工夫先生指示日用之親切者謂提撕警策通貫動靜正叔得其語表裏用工非惟自勉不暇見同志亦以相勵常恐此心外用日誦中庸不願乎外之言以自克可知爲學之務本也先生嘗從容與之言而喜曰且爲君立得一墓址今當有若力處

正叔將以死而終身爲不幸天壽之矣於戲正叔而上此夫正叔力于爲善初罹外艱以禮自繩不御酒肉後歲登師門度階嶺或犯霜露冒炎暑不以爲懼稟氣既薄且多病竟以不壽己酉秋九月予往省先生值正叔將歸語別武彝溪上未兩月而訃聞矣實十一月乙丑也年五十二娶王氏生四子德深德淵德存德晦德晦出繼弟大寧德淵業儒亦早世正叔餘慶其後必有能繼之者平日與先生問答書非一厄于煨燼無一存者人皆惜之語錄一卷刻于江東庾臺死之年葬所居之右裴原後二十六歲刻茲銘有決其疑將以得正有闡其端將以絃續日焉不足何斯人之不淑

翰林劉光墓

在安輯鄉江井山通志

渤泥國王叔墓

在城南三里永樂十年王進貢還國卒葬於此通志

監察御史李艾墓

在江家山夏尙樸有志銘通志

建置

邱墓



給事王讓墓 在茶山寺

婁性墓 在崇孝鄉靈溪

婁諒墓 在開化鄉龍潭前府志

冰溪婁先生墓 夏尚樸誌銘宸濠叛逆冰溪以妃族被逮死獄中聖天子御極詔議獄開釋無辜

婁氏皆得原宥有大臣闕奏牘見冰溪姓名願請同列曰是即所謂樓上先生昔嘗不受宸濠衰服之命豈有從逆之意耶不死當見原士論惜之速繫之初衆皆懼禍不敢近獨其婿太學生上瀘余銳奉其父英藪之命周旋其間不避艱險及械送臬司遣人潛隨其後爲之給醫藥服食晏然如在家時不幸以疾卒其衣衾棺槨殯殮以禮某年某月某日卜葬上瀘之郭塋予以門生得相役而視其窆鏡以墓銘見屬義不得而辭也按冰溪諱忱字誠善其先信陽人元季有諱于福者逃難南奔遂家上饒之盈濟坊曾祖

諱德華祖諱思顯贈河南道監察御史輕財尚義稱長者妣楊氏父諒字克貞成都訓導封南京兵部職方司郎中號一齋受業聘君吳康齋得河洛之傳妣余氏幼有奇質落筆語輒驚人顧爲文不能狗時好以故連不得志于有司晚由歲貢受歸安訓導未幾卽棄官而歸忿其兄之所爲托疾不下樓者十年自號病閣戶部侍郎卽二泉呼爲樓上先生及兄死作下樓歌以諷之國母之喪例受衰服獨冰溪以弔服從事且力陳古義卻之幾爲宸濠捶挫以死賴都憲王陽明救解得免生于某年某月某日享年七十娶王氏生三女長適杭州府知府永豐呂夔次適松次適李其皆同邑人也繼室楊氏生男仕幼名瑞松女一皆幼宸濠逆節將萌婁妃泣諫不從事敗妃死檻送京師每食必取飯呼婁妃食嘆曰恨不用爾之言至此湖廣叅政同邑鄭毅立之以詩哭之曰道義傳心有定論賢妃原是一齋孫夫以女子尙知用祖之訓識君臣大義會謂賢如冰溪老且死悔乃忘父之訓甘爲逆賊之黨耶因誌其墓而系之以銘銘曰

建置 邱墓

有世蒼蒼有水洋洋是謂陳克齋之鄉公死有知當挾杖屨與之徜徉

葉鐘墓

在乾元鄉四十三都劉家山前府志

贈吏部尚書楊時喬墓

在城東桂子舖舊古道院前前府志

大學士鄭以偉墓

在太平鄉勅葬通志

大學士夏言墓

在六十七都鳳池山隆慶五年勅葬其母匡太夫人墓在十三都龍崗上有勅建石坊

明穆宗勅葬追封夏文愍制制曰臣子輝忠謀國雖蒙禍于生前國家需卹勸忠寧靳施於沒後沉冤既昭于白日顯褒宜煥于丹書爾故原在少師兼太子太師吏部尚書華蓋殿大學士夏言爰自諫垣屢承詔議扞彈權倖抗論動幾于言敷列時艱自行且數十事察案莫踰其右士林悉遜其才特蒙眷于先皇遂延登於密勿獨居首輔龍光之數無前敢也東山委任之誠益篤殆氣許于魚水允志協乎風雲

遽因奪議入讒惑三至於會參志村竟於閭臣連述伏五刑於晁錯之身遺憾往矣莫追公論久而始定遂還其三褫之錫復褒以一字之榮聊慰已逝之英魂庶伸久鬱之孤憤茲特謚爾曰文愍賜之誥命於嶺三尺峨封難闕千年之碧血九重煥命式昭一寸之丹心瞻爾冥靈承余優渥通志

古塚

在開化鄉土岡南豐謝鳴謙記乾隆二十五年春

正月中旬上饒縣開化鄉里老言於縣曰土岡民治地平坦陷及泉睇審之蓋冢云中空永滿中無棺潤

之有金條銀器及他孟孟冠錄之屬碑二一大書宋故夫人朱氏之墓一字小不能詳也謹以聞縣侯鄉

君應元聞其事馳往省之至則治地者已半耗其所得倉猝紛攘碑遂斷為二小字者斷為八唯簿錄得

金條二如薤而長其一尋有四咫重九十三銖其一蓋先耗云金銀鎔一長咫有五寸重十銖金銀釧各

一雙金二十四銖銀二十銖冠簪敗過半不可名銀鑿二大可受五合一敗一完好銀孟五受二合其一差小有完好者有敗者銀尊一鏤其外甚古亦將敗

建置 邱墓

所受視孟爲勝銀蓋一總權之計鑑有三十四銖瓷蓋一又合斷碑讀之得其畧朱氏信之上饒人歸子鄭生嘉定四年甲子十月日卒景定元年庚申正月晦始窆跨鶴臺繼葬于太平鄉方邨並以其年之二月四月男三人疇鑄並迪功郎疇以父運使任子將仕郎孫男五人浦溪湘灌澗女六人誌者疇也書之者中奉大夫提舉建康府崇禧觀貴溪縣開國男食邑三百戶開封葉彥得也碑之陰曰至元丙戌自方村奉柩改附於開化鄉土岡祖妣宜人趙氏墓左其月仲秋其日庚申續誌者嘉議大夫建德總管兼府尹男疇也侯歸以冢中物盡屬藏吏獨捐已索改樹碑故壞面東北之維如其舊不以器還冢中者懼再伐也君子謂朱夫人有厚幸矣敗醜泯矣猶加封焉其歲之夏鄒侯語於南豐謝鳴謙使爲之記且曰是冢也運使以婦大夫以母名罔弗榮年五十有七算罔弗盛子姓濟濟數百指系罔弗繁窆於宋也而元遷以塋以墳以黃白器以誌葬罔弗豐然吾求所爲鄭疇鄭疇鄭疇其人者書闕無徵矣豈人子所以永

其親者顧不在此歟靈陽民氣醇樸舊聞放佚又懼兵燹者數矣故前人事卒就湮沒與且是冢也四百七十有五矣厄於水泉而彰於侵伐抑又何與君子謂鄒侯之論知所本矣記之以爲爲人子者進因以見元冢有如此者且以輔信乘之闕也

上饒縣志 卷四

賦役

戶口

田賦

軍屯漕運附

則壤成賦詳於夏書自漢唐元明以來其制雖時有損益而實愈詳而愈煩上邑地僻山深古稱瘠壤自條鞭法行而民始無雜派之擾祇此惟正之供其將輸恐後也宜矣易曰損上益下民悅无疆

聖朝湛恩汪濊蠲貸普免大澤頻加蒞斯土者雖不煩催科之勞能無穆然於撫字之殷哉

戶口

原額人丁婦女四萬三千八百三十七丁口內優免人丁一千二丁原編起存各款銀共五千二百二十二兩七錢二分八釐六毫內於順治十一年題

准開除逃亡男婦一萬二千八百八十丁口該減銀一千五百二十六兩三錢三分九釐八毫又於康熙二十年編審開除傷亡男婦三千三百七十七丁口該減銀四百四十二兩一錢六分九釐六毫二共傷亡男婦一萬六千二百五十七丁口共減銀一千九百六十八兩五錢九釐四毫自康熙元年起至康熙五十年止各屆編審新收其數

補過四千三百四十四丁口抵補銀五百二十三兩六錢六分八釐尚缺傷亡一萬一千九百一十三丁口缺銀一千四百四十四兩八錢四分一釐四毫現在男婦共三萬一千九百二十四丁口實徵銀三千七百七十七兩八錢八分七釐二毫內分男丁原額二萬八千五百八十六丁每丁編銀一錢七分七釐二毫六忽一微七纖原編銀五千六十四兩七錢二分九釐五毫除逃亡八千五百三十丁續傷亡二千四百七十八丁節屆編審新收抵補過二千九百二十八丁尚缺八千八十丁缺銀一千四百三十

一兩八錢二分五釐八毫現在人丁二萬五百一丁實計  
編銀三千六百三十二兩九錢三釐七毫女口原額一萬  
四千二百五十四口每口編銀三釐三毫九絲五忽六微  
七纖原編銀四十八兩四錢一釐九毫內除原傷亡四千  
三百五十口續傷亡八百九十九口節屆編審新收抵補  
過一千四百一十六口尙缺三千八百三十三口缺銀一  
十三兩一分五釐六毫現在婦女一萬四百二十一口實  
計編銀三十五兩三錢八分六釐三毫一優免人丁一千  
二丁每丁編銀一錢九釐三毫七絲八忽四微九纖原編  
銀一百九兩五錢九分七釐二毫又於順治十四年奉文  
補徵免外扣解不准紳衿優免丁銀一十九兩八錢七分  
四釐八毫共計丁口銀三千七百九十七兩七錢六分二  
釐自

國朝定鼎以來安插流移男丁三百一十八丁每丁編銀  
一錢七分七釐二毫六忽一微七纖實編銀五十六兩三  
錢五分一釐五毫女口三百三十七口每口編銀三釐三  
毫九絲五忽六微七纖實編銀一兩一錢四分四釐三毫  
附載丁口銀共五十七兩四錢九分五釐八毫通其計編

丁口銀三千八百五十五兩二錢五分八釐於雍正五年奉文攤派通省地糧內均勻帶征現應減徵丁銀一千二百六十九兩四錢七分四釐實徵銀二千五百八十五兩七錢八分四釐康熙五十二年欽奉

恩詔以五十年丁冊定爲常額續生人丁永不加賦自康熙五十五年起至乾隆四十五年止各屆編審新收抵補外實在

盛世滋生人丁一十二萬三千一百八丁婦女五萬八千五百二十一口俱遵

恩詔永不加賦婦女於乾隆十一年人丁於乾隆三十七年先後奉文停止編審

### 田賦

原額官民田地山塘除冲塌新陞抵外實共一萬一百四十四頃九十九畝一分九釐六毫各派徵不等原編起存各款并加增九釐地畝銀共二萬三千一百七十三兩六錢九分五釐內優免米九百八十七石該派三差銀二百兩五錢四分六釐九毫一絲一忽三微三纖於順治十四年奉文扣解不准紳衿優免應仍照入實徵內先於順治

十年題

准開除荒蕪田地三十四頃三十畝二分該減銀一百五十四兩三錢六分九釐六毫節年開墾原荒補足訖又開墾額外新生田地塘一百七十九頃九十九畝五分三釐四毫增銀八百零二兩二錢八分八釐現在成熟田地山塘一萬三百二十四頃九十八畝七分三釐實徵銀二萬三千九百七十五兩九錢八分一釐原額漕南正副耗米一萬二千九百二十五石二斗八升九合六抄四撮內除趨留改折江南倉正副米二千八百四石二斗六升三合

五勺二抄徵銀不徵米外實原編米一萬一百二十石九斗二升五合五勺四抄四撮除原荒米六十七石三斗九升七合五勺二抄節年開墾原荒補足訖又開墾額外新生增米三百五十石零四斗五升六合三勺五抄六撮實徵米一萬四百七十一石三斗八升一合九勺

原額一則田增新陞除坍塌外實該田四千六百七十二頃一畝一分五釐六毫又節年開墾額外新生田一百六十四頃五十五畝三分六釐三毫七絲八忽二共田四千八百三十六頃五十六畝五分一釐九毫一絲八忽

每畝原編



糧差并加增實共銀四分八釐三毫二絲一忽五  
 微七纖本色米二升一合八抄四撮三圭三粟 原其編  
 銀二萬二千五百七十五兩八錢九分三釐四毫原其編  
 米九千八百五十石六斗二升三合三勺五抄前田原報  
 未墾荒蕪田三十一頃六十九畝七分一釐一毫除荒銀  
 一百五十三兩一錢六分五釐四毫除荒米六十六石八  
 斗三升一合二勺三抄節年開墾原荒補足訖一又開墾  
 額外新生增銀七百九十五兩一錢五分零八毫四絲增  
 米三百四十六石一斗五升一合四勺五抄八圭現在成  
 熟田四千八百三十六頃五十六畝五分一釐九毫七絲

八忽實徵銀二萬三千三百七十一兩零四分四釐二毫  
 四絲實徵米一萬一百九十六石七斗七升四合八勺八  
 圭

原額地分爲二則共一千二百二十一頃七十六畝八分  
 四釐又節年開墾額外新生地五頃六十六畝六分七釐  
 八毫一絲五忽二共一千二百二十一頃四十三畝五分  
 一釐八毫一絲五忽原編銀四百三十一兩三錢三分九  
 毫除原荒銀一兩二錢四釐二毫節年開墾原荒補足訖  
 又開墾額外新生增銀二兩六錢一分一釐四毫五絲實

徵四百三十三兩九錢五分零四毫五絲原編米二百二石九升三合七抄除原荒米五斗六升六合二勺九抄節年開墾原荒補足訖又開墾額外新生增米一石二斗三升二合一勺八抄九撮三圭實徵米二百三石三斗二升四合二勺五抄九撮三圭

一則地九百二十九頃六十一畝二分又節年開墾額外新生地五頃六十六畝六分七釐八毫一絲五忽二共九百三十五頃二十七畝八分七釐八毫一絲五忽每畝原編糧并加增共銀四釐六毫一絲二忽八微本邑米二合一勺七抄二撮九圭四粟原共編銀四百一

十九兩七錢四分一釐原共編米二百二石九升二合七抄前地原報未墾荒蕪地二頃六十畝四分八釐九毫除荒銀一兩二錢四釐二毫除荒米五斗六升六合二勺九抄節年開墾原荒補足訖又開墾額外新生增銀二兩六錢一分九釐五毫五絲增米一石二斗三升二合一勺八抄九撮三圭現在成熟地九百三十五頃二十七畝八分七釐八毫一絲五忽實徵銀四百三十二兩三錢六分五毫五絲實徵米二百三石三斗二升四合二勺五抄九撮三圭

一則地二百九十二頃一十五畝六分四釐

每畝徵抄銀五絲四忽四

徵二原編銀一兩五錢八分九釐九毫

原額山分爲二則共三千八百九十八頃八十四畝八分

又開墾額外新生山四十頃六十畝七分原編銀三十五

兩六錢六分三釐六毫原編米六石八斗七升四合四勺

三抄

一則官山七十二頃二十二畝九分

每畝原編糧差并加增其銀四釐六毫二

絲二忽八微本色米二合一勺七抄三撮九圭四粟

原共編銀一十四兩六錢一分

八釐二毫原共編米六石八斗七升四合四勺三抄又開

墾新生增銀四兩一錢五分三釐一毫三絲增米一石九

斗五升三合二勺八抄三撮三圭實徵銀一十八兩七錢

七分一釐三毫三絲實徵米八石八斗二升七合七勺一

抄三撮三圭

二則民山三千八百六十七頃二十二畝六分

每畝編租鈔銀五絲

四忽四原共編銀二十一兩四分五釐四毫

原額塘分爲二則共三百五十二頃三十六畝四分又節

年開墾額外新生塘三十六畝九釐五毫二絲二共塘三

百五十二頃九十九畝八分九釐八毫零原編銀一百三

十兩八錢七釐一毫又開墾額外新生增銀三錢六分四釐五毫三絲實徵銀一百三十一兩一錢七分一釐六毫三絲原額編米六十一石三斗三升五合六勺九抄四撮又開墾額外新生增米一斗七升九勺四抄五撮八圭實徵米六十一石五斗六合七勺三抄九撮八圭

一則塘二百八十二頃一十三畝四分又節年開墾額外新生塘六十三畝四分九釐八毫九絲二共塘二百八十二頃七十六畝八分九釐八毫九絲每畝原編銀差并加增共銀四釐六毫二絲二忽八微本色米二合一勺七抄三撮九圭九粟二粒原共編銀一百三十兩四錢

二分四釐九毫原共編米六十一石三斗三升五合六勺九抄四撮又開墾額外新生增銀三錢六分四釐五毫三絲增米一斗七升一合零四抄五撮八圭現在成熟塘二百八十二頃七十六畝八分九釐八毫九絲實徵銀一百三十兩七錢八分九釐四毫三絲實徵米六十一石五斗零六合七勺三抄九撮八圭

二則塘七十頃二十三畝每畝編鈔折銀五絲四忽四微二纖原共編銀三

錢八分二釐二毫以上田地山塘共徵銀二萬三千九百七十五兩九錢八分二釐又增徵匠班正脚銀一百二十九

兩二錢七分六釐折色時價增徵正脚銀三百一十七兩  
九錢五分一釐六毫六絲四忽七微九纖本色時價會議  
增徵正脚銀四十兩七分七釐一毫八絲七忽一微六纖  
又核減本色新增時價銀一十四兩二錢三分二釐五毫  
九絲五忽七微五纖外雜辦課鈔正脚銀二十八兩二錢  
四分六釐三毫三絲八忽四微一纖折色兵米銀二十四  
兩九錢七分六釐兵糧耗費銀二百四十五兩七錢六分  
通共額徵起存正雜等銀二萬七千三百六十二兩二錢  
八分五釐遇閏加銀五百四十二兩六錢一分七釐三毫

三絲九忽五微起運地丁錢糧於乾隆十三年奉

旨蠲免一次乾隆三十六年奉

旨蠲免一次乾隆四十四年奉

旨蠲免一次

一原書編載折色起運

戶部項下 承運庫金花銀二千一百二十一兩八錢一

分一釐七毫 滴珠銀二十一兩二錢一分八釐一毫一

絲七忽脚耗銀三十八兩一錢九分二釐五毫八絲三忽

農桑絹折銀一十五兩九錢五分二釐三毫脚耗銀二

兩二錢七分八釐九毫四絲五忽五微九纖 絲綿絹折  
銀九百九十九兩五錢三分一釐一毫二絲脚耗銀一百  
四十七兩七錢九分六毫七絲一忽四微一纖 甲丁二  
庫顏料折銀一百一十四兩八錢三分七釐五毫脚耗銀  
三兩二錢一分五釐四毫五絲 太倉庫農桑絹折銀七  
兩七錢五分八釐八毫脚耗銀一兩一錢八釐四毫二絲  
二忽一微六纖 絲棉絹折銀四百八十六兩七錢二釐  
七毫脚耗銀七十一兩九錢六分三釐八毫六絲一忽二  
微二纖 黃蠟折銀一百六十六兩三錢九分脚耗銀四

兩六錢五分八釐九毫二絲 賈稅銀四十九兩一錢

分五釐六毫脚耗銀一兩一錢二分九釐八毫八絲七忽

富戶銀一十五兩脚耗銀三錢四分五釐 戶口鹽鈔

銀七十三兩五錢八分一釐八毫脚耗銀一兩六錢九分

二釐四毫加增九釐地畝銀三千九百四十三兩四錢七

分二釐七毫脚耗銀三十九兩四錢三分四釐七毫二絲

七忽 以上戶部項下共正脚額銀八千三百二十七兩

一錢九分三釐二毫四忽三微八纖內原荒亡并康熙二

十年續傷亡共銀三百三十兩七分二釐一毫一絲九微

八織實徵銀七千九百九十七兩一錢二分一釐九絲二忽四微

禮部項下 光祿寺菓品折銀五十八兩八錢八分六釐三毫脚耗銀一兩六錢四分八釐八毫一絲六忽四微以上禮部項下共正脚額銀六十兩五錢三分五釐一毫一絲六忽四微內除荒銀九錢六分四釐四毫六絲九忽六微實徵銀五十九兩五錢七分六毫四絲六忽八微

工部項下 營膳司料銀八十一兩六錢一分九釐一毫一絲二忽 虞衡司料銀二兩二錢八分五釐三毫三絲二忽

十兩八錢九釐五毫脚耗銀一兩一錢四分二釐六毫六絲六忽 都水司料銀七十一兩四錢一分六釐六毫脚耗銀一兩九錢九分九釐六毫六絲四忽八微 屯田司料銀六十一兩二錢一分四釐二毫脚耗銀一兩七錢一分三釐九毫九絲七忽六微 牛角箭弦折銀一千三百六十六兩七錢脚耗銀三十一兩四錢三分四釐一毫 胖襖褲鞋折銀一百一十兩九錢四分三釐脚耗銀二兩五錢五分一釐六毫八絲九忽 神器軍器民七料銀九十五兩六錢三分六釐脚耗銀二兩一錢九分九釐六毫

一絲八忽 野味鈔銀三兩四釐五毫 翎毛銀九兩七錢八分三釐四毫以上工部項下共正脚額銀一千八百八十四兩四錢五分三釐二毫七絲七忽四微內原荒旨并康熙二十年續傷亡共銀一千七百一十六兩九錢九分九釐四毫八絲九忽二微實徵銀一百六十七兩四錢五分三釐七毫八絲八忽二微

原額本色起運物料 戶部項下承運庫農桑緞一疋一丈三尺每疋原價七錢該銀一兩三釐三毫墊脚銀一錢四分三釐三毫三絲一忽四微四織共該銀一兩一錢四分

分六釐六毫三絲一忽四微四織絲綿絹九十一疋每疋原價七錢該銀六十三兩七錢墊脚銀九兩四錢一分八釐六毫八絲二忽共銀七十三兩一錢一分八釐六毫八絲二忽供用庫黃蠟一百三十七觔每觔原價一錢八分該銀二十四兩六錢六分墊脚銀六錢九分四毫八絲共銀二十五兩三錢五分四毫八絲 甲字庫顏料銀硃一十六觔八兩每觔原價五錢該銀八兩二錢五分墊脚銀二兩四分六釐共銀一十兩二錢九分六釐 二硃三觔一兩每觔原價一錢九分該銀五錢八分一釐八毫七絲



五忽墊脚銀三錢五分三釐一毫六絲七忽五微共銀九錢三分五釐四絲二忽五微紫草一觔一兩每觔原價三分一釐該銀三分二釐九毫三絲七忽五微墊脚銀一錢一分七釐七毫九絲七忽二微五纖共銀一錢五分七毫二絲四忽七微五纖 五倍子一觔四兩每觔原價三分五釐該銀四分三釐七毫五絲墊脚銀一分四釐九毫七絲五忽共銀五分八釐七毫二絲五忽烏梅一十觔五兩每觔原價二分該銀二錢六釐二毫五絲墊脚銀一錢一分九釐二毫一絲二忽五微共銀三錢二分五釐四毫六

絲一忽五微黑鉛一十觔五兩每觔原價三分五釐該銀

三錢六分九毫三絲七忽五微墊脚銀一錢二分三釐五

毫四絲三忽七微五纖共銀四錢八分四釐四毫八絲一

忽二微五纖明礬一十五觔八兩每觔原價一分該銀一

錢五分五釐墊脚銀一錢七分四釐八毫四絲共銀三錢

二分九釐八毫四絲 丁字庫顏料 錫八觔四兩每觔

原價九分該銀七錢四分二釐五毫墊脚銀一錢五分七

釐七毫九絲共銀八錢九分五釐二毫九絲紅熟銅四觔

二兩每觔原價一錢該銀四錢一分二釐五毫墊脚銀七

分七釐五毫五絲共銀四錢九分五釐黃蠟二觔一十兩  
每觔原價一錢六分該銀四錢二分墊腳銀五分三釐七  
毫六絲共銀四錢七分二釐七毫六絲桐油六十六觔三  
兩每觔原價三分二釐該銀二兩一錢一分八釐墊腳銀  
五錢八分八釐八毫四忽共銀二兩七錢六釐八毫四忽  
生漆九觔五兩每觔原價一錢該銀九錢三分一釐二毫  
五絲墊腳銀一錢七分五釐七絲五忽共銀一兩一錢六  
釐三毫二絲五忽以上戶部項下共原價墊腳銀一百一  
十七兩八錢六分八釐三毫八忽四微四纖內除充銀

兩二錢七分七絲二忽一微一纖實徵銀一百一十五兩  
五錢九分八釐二毫三絲六忽三微三纖 禮部項下薦  
新牙茶五觔八兩

一原書戶禮工三部共額銀一萬三百九十兩五分內原  
荒亡并康熙二十年續傷亡共銀二千五十兩三錢六釐  
實徵銀八千三百二十九兩七錢四分四釐又原書刊載  
改抵兵餉銀四千二百二十九兩六錢五分一釐會議裁  
解銀六百一十六兩匠班改歸地糧銀一百二十九兩二  
錢七分六釐本折色時價及核減原價正腳銀三百七十

二兩二錢六分一釐先後奉裁官役俸工襍支驛站等欸  
銀九千五十一兩七錢八分四釐外扣解不准紳衿優免  
丁糧銀二百二十兩四錢二分二釐雜辦課鈔正脚銀二  
十八兩二錢四分六釐兵糧耗費銀二百四十五兩七錢  
六分以上自改抵起至兵糧耗費止共額銀一萬四千八  
百九十三兩四錢通共三部并裁解各欸共額銀二萬五  
千二百八十三兩四錢五分內原積荒亡銀二千五十兩  
三錢六釐節年墾補及額外新增共銀一千四百六十二  
兩一錢九分八釐實徵銀二萬四千六百九十五兩三錢

四分二釐內除人丁攤派有糧屬縣應減徵銀一千二百  
七十兩二錢四分六釐辦解本色物料銀三十六兩五錢  
三分七釐原編歸入存留驛站項下銀五百九十一兩二  
錢四分外實解起運地丁銀二萬七百六十四兩三錢五  
釐遇閏加銀四百二十五兩四錢九釐脚耗銀一百七十  
八兩四錢八分遇閏加銀一錢七分六釐起運折色物料  
正墊脚銀一千八百七十七兩四錢八釐

一現辦本色物料 甲字庫銀硃一十二觔一十一兩每  
觔價銀四錢六分該銀五兩八錢三分六釐二毫五絲鋪

墊銀一兩三錢九分五釐六毫二絲五忽水脚銀一錢六分三釐四毫一絲五忽共銀七兩三錢九分五釐二毫九絲 添辦銀硃二十五觔八兩每觔價銀四錢六分該銀一十一兩七錢三分鋪墊銀二兩八錢五釐水脚銀三錢二分八釐四毫四絲共銀一十四兩八錢六分三釐四毫四絲 又添辦銀硃二十五觔八兩每觔價銀四錢六分該銀一十一兩七錢三分水脚銀三錢二分八釐四毫四絲共銀一十二兩五分八釐四毫四絲 五梘子一觔一十二兩每觔價銀三分五釐該銀六分一釐二毫五絲鋪

墊銀一分九釐二毫五絲水脚銀一釐七毫一絲五忽共銀八分二釐二毫一絲五忽 添辦五梘子二觔一十五兩一錢四釐七毫每觔價銀三分五釐該銀一錢三釐四絲一忽五微三織一沙二塵五埃水脚銀二釐八毫八絲五忽一微六織二沙八塵七埃五渺共銀一錢五釐九毫二絲六忽六微九織四沙一塵二埃五渺 紫草一觔二兩三錢每觔價銀三分一釐該銀三分五釐四毫五絲六忽二微五織鋪墊銀一錢二分五釐八毫一絲二忽五微水脚銀九毫九絲二忽七微七織五沙共銀一錢六分二

釐二毫六絲一忽五微二纖五沙 丁字庫桐油四十三  
觔一十兩每觔價銀三分該銀一兩三錢八釐七毫五絲  
鋪墊銀三錢四分九釐水腳銀三分六釐六毫四絲五忽  
共銀一兩六錢九分四釐三毫九絲五忽 改辦桐油八  
觔一十兩每觔價銀三分該銀二錢五分八釐七毫五絲  
鋪墊銀六分九釐水腳銀七釐二毫四絲五忽共銀三錢  
三分四釐九毫九絲五忽以上本色物料正墊腳銀三十  
六兩五錢三分七釐

一本色起運漕糧 原額兌軍價運正米四千一百二十

九石六斗六升內原荒米二十七石五斗三勺節年照荒

陸補訖乾隆二十五年清出從前開墾屯田報墜民糧改

歸屯額應除米七斗五升六合七勺又額外新墜米一百

四十三石六斗六升四合七勺實徵米四千二百七十二

石五斗六升八合 原額淮安倉改米一千三百二十五

石四斗二升內原荒米八石八斗二升六合三勺節年照

荒陸補訖乾隆二十五年清出從前開墾屯田報墜民糧

改歸屯額應除米二斗四升二合八勺又額外新墜米四

十六石二合三勺實徵米一千三百七十一石一斗七升

九合五勺 原額兌軍并淮安倉副米二千八百九十一石一斗九升二合四勺內原荒米一十九石二斗五升三合一勺節年照荒陞補訖乾隆二十五年清出從前開墾屯田報陞民糧改歸屯額應除米五斗二升九合七勺又額外新陞米一百石七斗四升五合一勺實徵米二千九百九十一石四斗七合八勺 原額腳耗米五百七十二石七斗八升三合一勺內原荒米三石八斗一升四合三勺節年照荒陞補訖乾隆二十五年清出從前開墾屯田報陞民糧改歸屯額應除米一斗五合又額外新陞米三

十石五升二合三勺實徵米五百九十二石七斗二升四勺以上本色漕糧共米八千九百一十九石五升五合五勺內原荒米五十九石三斗九升四合節年照荒陞補訖乾隆二十五年清出從前開墾屯田報陞民糧改歸屯額應除米一石六斗三升四合二勺又額外新陞米三百一十石四斗六升四合四勺實徵米九千二百二十七石八斗八升五合七勺

一隨漕各項銀數 原額兌軍三六輕賣銀七百四十三兩三錢三分九釐原荒銀四兩九錢五分節年照荒陞補

訖又乾隆二十五年清改歸屯除銀一錢三分六釐又額  
外新陞銀二十五兩八錢六分四釐實徵銀七百六十九  
兩六分七釐 原額淮安倉二升折銀一十三兩二錢五  
分四釐原荒銀八分八釐節年照荒陞補訖又乾隆二十  
五年清改歸屯除銀二釐額外新陞銀四錢六分一釐實  
徵銀一十三兩七錢一分三釐原額蘆席板木銀三十七  
兩四錢一分九釐原荒銀二錢四分九釐節年照荒陞  
訖又乾隆二十五年清改歸屯除銀七釐又額外新陞  
一兩二錢九分九釐實徵銀三十八兩七錢一分一釐

原額脚耗銀四兩七錢六分四釐原荒銀三分二釐節年  
照荒陞補訖又乾隆二十五年清改歸屯除銀一釐又額  
外新陞銀一錢六分六釐實徵銀四兩九錢二分九釐  
原額過湖銀二百六十二兩八錢七分三釐原荒銀一十  
一兩一錢九分三釐節年照荒陞補訖又乾隆二十五年  
清改歸屯除銀三錢八釐又額外新陞銀九兩四錢七釐  
實徵銀二百七十一兩九錢七分二釐 原額淺船銀六  
十兩一錢八分原荒亡銀五十兩三錢七分八釐續荒亡  
銀五兩六錢八分二釐節年陞補銀二錢六分四釐實徵

銀四兩三錢八分四釐以上隨漕項下其銀一千一百二十一兩八錢二分九釐原荒亡銀六十六兩八錢九分續荒亡銀五兩六錢八分二釐又乾隆二十五年清改歸屯除銀四錢五分四釐節年陞補銀一十六兩七錢七分五釐額外新陞銀三十七兩一錢九分八釐實徵銀一千一百二兩七錢七分六釐

一本色原解江南倉米改抵本省兵糧除七折折銀外實存本色三分南米改克兵糧一千二百一石八斗七升一勺內原荒米八石三合五勺節年照荒陞補訖又乾隆二

十五年清出從前開墾屯田報陞民糧改歸屯額減除米二斗二升二勺又額外新陞米四十一石八斗四升六合三勺實徵兵米一千二百四十三石四斗九升六合二勺一坐給廣信營兵丁月米一千二百一石八斗七升一勺一裁兵餘剩折色米四十一石六斗二升六合一勺每石折銀六錢共該折銀二十四兩九錢七分六釐

一解給各衙門經費 分守湖東道項下俸銀六十六兩九錢一分六釐薪銀一百二十兩蔬菜燭炭銀五十兩心紅紙張銀五十兩更換桌帷銀一十兩書吏一十六名工



食銀一百九十二兩門子四名工食銀二十八兩八錢快  
手一十二名工食銀八十六兩四錢皂隸一十二名工食  
銀八十六兩四錢轎傘扇夫七名工食銀五十兩四錢聽  
事吏二名工食銀一十四兩四錢舖兵二名工食銀一十  
四兩四錢以上分守湖東道項下俸食共銀七百六十九  
兩七錢一分六釐今已全裁本府知府項下俸銀一百五兩門  
子二名工食銀一十一兩八錢馬快一十名工食銀五十  
九兩步快一十六名工食銀九十四兩四錢轎傘扇夫七  
名工食銀四十一兩三錢皂隸一十六名工食銀九十四

兩四錢庫子四名工食銀二十三兩六錢以上知府項下  
俸食共銀四百二十九兩五錢 本府儒學項下教授一  
員俸銀四十五兩訓導一員俸銀四十兩共銀八十五兩  
齋夫二名工食銀二十四兩門子三名工食銀二十一兩  
六錢以上本府儒學項下俸食共銀一百三十兩六錢  
本縣知縣項下俸銀四十五兩門子二名工食銀一十一  
兩八錢皂隸一十三名工食銀七十六兩七錢件作二名  
學習件作二名共工食銀一十七兩七錢馬快八名工食  
銀四十七兩二錢民壯三十名工食銀一百七十七兩又

食銀一百九十二兩門子四名工食銀二十八兩八錢快  
手一十二名工食銀八十六兩四錢皂隸一十二名工食  
銀八十六兩四錢轎傘扇夫七名工食銀五十兩四錢聽  
事吏二名工食銀一十四兩四錢舖兵二名工食銀一十  
四兩四錢以上分守湖東道項下俸食共銀七百六十九  
兩七錢一分六釐今已全裁本府知府項下俸銀一百五兩門  
子二名工食銀一十一兩八錢馬快一十名工食銀五十  
九兩步快一十六名工食銀九十四兩四錢轎傘扇夫七  
名工食銀四十一兩三錢皂隸一十六名工食銀九十兩

兩四錢廬子四名工食銀二十三兩六錢以上知府項下  
俸食共銀四百二十九兩五錢 本府儒學項下教授一  
員俸銀四十五兩訓導一員俸銀四十兩共銀八十五兩  
齋夫二名工食銀二十四兩門子三名工食銀二十一兩  
六錢以上本府儒學項下俸食共銀一百三十兩六錢  
本縣知縣項下俸銀四十五兩門子二名工食銀一十一  
兩八錢皂隸一十三名工食銀七十六兩七錢件作二名  
學習件作二名共工食銀一十七兩七錢馬快八名工食  
銀四十七兩二錢民壯三十名工食銀一百七十七兩又

三兩五錢二分

一解本府支給各項銀數 府學廩生四十名廩糧銀八十兩遇閏加銀六兩六錢六分七釐府學文廟朔望香燭銀一兩八錢遇閏加銀一錢五分府歲貢酒禮銀五兩以上解府項下共銀八十六兩八錢遇閏加銀六兩八錢一分七釐

一存留本縣支給各項銀數 縣學廩生二十名廩糧銀四十兩遇閏加銀三兩三錢三分三釐縣學文廟朔望香燭銀一兩八錢遇閏加銀一錢五分 春秋祭祀銀一百

四十九兩八錢九分一毫六絲內府 文廟祭銀三十八兩四分四釐四毫崇聖祠祭銀六兩名宦鄉賢二祠各祭銀二兩一錢一分三毫四絲龍王廟祭銀八兩五錢縣文廟祭銀四十一兩二錢四分四釐四毫崇聖祠祭銀六兩名宦鄉賢二祠各祭銀二兩一錢一分三毫四絲忠義節孝二祠各祭銀二兩社稷壇祭銀八兩山川風雲雷雨城隍壇祭銀八兩郡厲壇祭銀十兩八錢朱文公謝疊山夏文公李將軍四祠共祭銀九兩四錢四分江公祠祭銀一兩天后宮祭銀四兩四錢二分外縣文廟祭祠不敷於公

項內增添銀四兩脩祭 關帝品儀銀四十兩春冬鄉飲  
酒禮銀一十九兩九錢二分縣歲貢酒禮銀二兩五錢孤  
貧三十四名糧布銀一百二十二兩四錢遇閏加銀一十  
兩二錢鄭家坊八坊場二巡司弓兵共三十名工食銀五  
十四兩遇閏加銀四兩五錢改編吹鼓手八名工食銀三  
十九兩三錢三分三釐三毫遇閏加銀三兩三錢三分二  
釐八毫以上存縣項下共銀四百六十九兩八錢四分三  
釐遇閏加銀二十一兩五錢一分六釐以上自知府起至  
吹鼓手止共銀二千九十一兩四錢三釐

一驛站項下 原書編載裁遞夫工食銀二百五十九兩  
二錢差馬工料銀一百一十五兩二錢馬夫工食銀一十  
兩八錢葛陽驛水夫工食銀一十四兩四錢共歸解道銀  
三百九十九兩六錢遇閏裁銀三十三兩三錢現存走遞  
人夫二十八名工食銀三百二兩四錢遇閏加銀二十五  
兩二錢走遞差馬四匹工料銀一百一十五兩二錢遇閏  
加銀九兩六錢馬夫二名工食銀二十一兩六錢遇閏加  
銀一兩八錢舖司兵四十四名工食銀二百三十七兩六  
錢遇閏加銀一十九兩八錢應付廩給口糧銀一十兩解

道支給水驛紅座等船水手工食修造工料等銀二百兩  
以上驛站項下共銀一千二百八十六兩四錢內裁歸解  
道銀三百九十九兩六錢遇閏裁銀三十三兩三錢存留  
本縣支解銀八百八十六兩八錢遇閏加銀五十六兩四  
錢

附載 起運 一田房稅契原無定額例係儘收儘解牙

稅銀六十二兩此銀編徵如有增減據實報解

存留 一漕糧官徵官解全書附載漕糧耗費銀一千二

百九十八兩三錢內於一件奏明漕米協濟事案內 題

允核減銀五十兩九錢七分四釐又乾隆二十五年清出  
改屯田畝減徵銀一錢八分六釐外實徵銀一千二百四  
十七兩一錢四分印官徵收爲運漕給軍之用

附載分徵廣信所 原編完賦屯丁三十三丁每丁編銀

一錢七分七釐二毫六忽一微七纖計編銀五兩八錢四

分八釐於雍正五年奉文攤派通省屯糧內均勻帶徵現

應歸併該縣屯糧項下攤帶徵納應增徵丁銀一十四兩

三分九釐實徵銀一十九兩八錢八分七釐遇閏年帶徵

閏銀三錢五分三釐仍俟五年將陞減各數照例均攤又

於康熙五十二年欽奉恩詔以五十年丁冊定爲常額續  
生人丁永不加賦自康熙五十五年起至乾隆四十六年  
止各屆編審新收除抵補開除外實共

盛世滋生屯丁九百七十九丁欽遵

恩詔永不加賦其屯丁於乾隆三十七年奉文停止編審  
一田產分徵廣信所原額屯田四十八頃五十二畝七分  
四釐七毫五忽一微三纖乾隆四十二年丈溢屯田二十  
二頃五十畝零七分大共屯田七十一頃三畝四分四釐  
每畝料籽粒米二斗四合六勺八抄八撮二圭四粟四顆

一粒三黍二稷五糠四粃其徵餘租銀一千五百三十七

兩七錢三分一釐屯糧銀五百八十八兩八錢九分存留屯

糧屯丁銀一百六十五兩九錢九分三釐其丁田其徵銀

二千二百八十四兩六錢一分四釐乾隆三十五年兩江

總督高晉委江寧驛鹽道胡純基江西督糧道魏椿年會

詳清查軍屯有無缺浮一案廣信府知府王廷欽委員查

勘並無丈缺并水冲沙壓等田亦無詳豁屯餘其正折加

增餘循新增折銀等項照餘租例一體徵收解藩司存留

屯糧屯丁一百六十五兩九錢九分三釐解道屯糧銀五

百八十兩八錢九分餘租銀一千五百三十七兩七錢三分一釐 原額廣信所漕船共九隻內二隻與玉山興安合管僉運軍籍十八戶額徵協濟銀一百零九兩一錢零

### 六釐

附程國孺信州糧謠 信州糧糶何艱十鍾一石萬里問朝發錢王隄暮過嚴陵灘柁尾白浪如銀山朝渡蘭溪州暮宿龍邱灣峻如牽車上鬼關督吏擊檝夜傳箭布帆無風河水乾去年糧船未及岸今年又運入百萬只知彼地荒不知浙東天亦旱只知彼地饑不知役戶家無飯饑莫愁願化鐵騎爲耕牛如鎔鋒鎔爲鉏耰戰場闕作賦與滿壯士荷甲歸田噶風雨時調禾黍秋禾黍秋飯不足浙東又移何郡粟白中丞通志

按信州明以前隸浙江漕糧必由玉抵甯然後沿流達省會玉距常八十里橫岡綿亘舟楫不通一州之糧不下數萬丁夫肩運較船隻百不當一長途踣躅血汗交流亦甚矣憊且信灘石磊砢貴弋鉛舟艦溯源逆進一夕暴漲則奔流衝激鷁首未敢冒犯建仇甫燥則水落石出十人牽纜力不能上迨余部郎有改隸江西之請民於是始稱便矣

